

# MËSIMET BIBLIKE TË SË SHITUNËS JANAR-MARS 2010

## UNGJILLI I PËRJETSHËM

### Përmbajtja

Porosia e fundit  
Forcë për t'u bindur  
Besim në ungjillin  
Perëndia u shfaq në mish  
“Krishti në ju, shpresë lavdie”  
Drejt gjykimit  
Larja e mëkateve  
Pastrimi i shenjtërores  
Shërbesa e keqprezantuar qiellore  
“Atëherë do të pastrohet shenjtërorja” - Part 1  
“Atëherë do të pastrohet shenjtërorja” - Part 2  
Shmangeni konfuzionin  
Rënia e Babilonisë

### Mësimi 1, E Shtunë, 2 Janar, 2010

#### Porosia e fundit

*“Pastaj pashë një engjëll tjetër që fluturonte në mes të qiellit dhe që kishte ungjillin e përjetshëm, që t'ua predikojë banorëve të dheut dhe çdo kombi, dhe fisi, dhe gjuhe, dhe popull” (Zbulesa 14:6)*

“Shpëtimi i mëkatarëve kërkon punë të zellshme personale. Ne duhet t'u japim fjalën e jetës, jo të presim që ata të vijnë tek ne. Ah, sikur t'u flisja burrave dhe grave që t'i nxisja për veprim!”—*Testimonies*, vol. 9, p. 117.

**Lexim i sugjeruar:** *Testimonies to Ministers*, pp. 112–119.

***E Djelë, 27 Dhjetor***

## **1. NJË PARALAJMËRIM I TMERRSHËM**

**a. Cili është paralajmërimi më kërcënues i Biblës që i është drejtuar ndonjëherë njerëzve vdekatarë?** Zbulesa 14:9–11.

“Kërcënimi më i frikëshshëm drejtuar ndonjëherë njerëzve vdekatarë është tek mesazhi i ëngjellit të tretë. Duhet të jetë ndonjë mëkat i tmerrshëm që derdh në tokë pa mëshirë zemërimin e Perëndisë. Njerëzit nuk duhen lënë të paditur përse i përket kësaj çështjeje të rëndësishme. Paralajmërimi kundër këtij mëkati i duhet dhënë botës para ardhjes së gjykimit të Perëndisë, që të gjithë të dinë pse do të preken dhe të kenë mundësi t’u largohen” —*The Great Controversy*, pp. 449, 450.

**b. Pse duhet t’i studiojmë të tilla paralajmërime? Nuk kemi tema më të mira në Bibël për të studiuar?** Romakëve 15:4.

“Nëse njerëzit tanë do të ishin zgjuar, nëse do të kuptonin ardhjen e afërt të ngjarjeve të përshkruara tek Zbulesa, një reformim do të ndodhte nëpër kisha, dhe shumë të tjerët do të besonin mesazhin. Nuk kemi kohë për të humbur. Perëndia na thërret të vigjilojmë mbi shpirtrat sikur të jemi ne që do të japim llogari... Të lëmë Danielin të flasë, të lëmë Zbulesën të flasë, që e vërteta të bëhet e ditur. Çfarëdo teme të paraqitet, lartëso Jezusin si qendra e shpresës”—*Testimonies to Ministers*, p. 118.

***E Hënë, 28 Dhjetor***

## **2. DANIELI DHE ZBULESA**

**a. Në ditët e fundit të historisë botërore, pse është e rëndësishme të studiojmë së bashku librat e Danielit dhe Zbulesës?** Danieli 12:4; Zbulesa 1:19; 22:10.

“Tek Zbulesa të gjithë librat e Biblës takohen dhe plotësohen. Këtu është plotësimi i librit të Danielit. Njëri është profeci, tjetri zbulesë”—*The Acts of the Apostles*, p. 585.

**b. Pse të kuptuarit e Zbulesës 14:6-12 është me rëndësi sot?**

“Pashë një grup njerëzish të fortë që nuk i kushtonin rëndësi atyre që mund të shkaktonin konfuzion në besim. Perëndia i pa me aprovim. M’u treguan tre hapa - mesazhet e tre ëngjëjve. Ëngjëlli që më shoqëronte tha, “Mjerë ai që i heq një presje këtyre mesazheve. Të kuptuarit i këtyre mesazheve është me rëndësi të madhe. Fati i shpirtave varet nga mënyra sesi pranohen.” Përsëri nëpërmjet këtyre mesazheve pashë sesa shtrenjtë e kishin paguar këtë përvojë njerëzit e Perëndisë. Ishte blerë mes shumë vuajtjesh dhe konfikti të egër. Perëndia i kishte drejtuar hap pas hapi, derisa i kishte vendosur në një vend të fortë dhe të palëvizshëm.”—*Early Writings*, pp. 258, 259.

“Ne flasim për mesazhin e ëngjëllit të parë dhe të dytë, dhe mendojmë se e kemi kuptuar mesazhin e ëngjëllit të tretë. Po përsa kohë që kënaqemi me njohurinë e kufizuar, do të skualifikohemi për ta parë qartë të vërtetën. Ai që e mban fortë fjalën e jetës duhet të gjejë kohë për të studiuar Biblën dhe të bëjë kërkime në zemër të vet. Duke mohuar këtë përvojë, ai nuk do të dijë sesi t’u shërbejë shpirtave në nevojë. Studjuesi i përvullur dhe i vendosur, që kërkon me lutje të vazhdueshme të vërtetën që është në Jezusin, do të shpërblehet me siguri.”—*Gospel Workers*, p. 251.

**c. Zbulesa 14:6, 7 flet për mesazh që jepet nga një “ëngjëll tjetër”. Pse i referohemi këtij mesazhi si i përcjellë nga “ëngjëlli i parë”?**  
Zbulesa 14:9 (Krahasojeni me Zbulesa 8:13)

---

---

---

## ***E Martë, 29 Dhjetor***

### **3. URDHËRESA E UNGJILLIT**

**a. Çfarë predikon i pari nga të tre ëngjëjt tek Zbulesa 14?** Zbulesa 14:6, 7.

“Fakti që një ëngjëlli i thuhet të jetë predikuesi i këtij paralajmërimi është domethënës. Me pastërtinë, lavdinë dhe fuqinë e mesazherit hyjnor, dituria qiellore ka përfaqësuar karakterin e lartësuar të veprës së përmbushur nga mesazhi, së bashku me fuqinë dhe lavdinë që e shoqëron. Dhe fluturimi i ëngjëllit “*në mes të qiellit*”, “*zëri i lartë*” me të cilin përcillet paralajmërimi, dhe deklarimi ndaj atyre “që banojnë mbi dhe” – “*ndaj çdo kombi, race, gjuhe, dhe njerëzish*” – jep provën e shpejtësisë dhe shtrirjes botërore të lëvizjes.” - *The Great Controversy*, p. 355.

“Mesazhi i deklaruar nga ëngjëlli që fluturon në mes të qiellit është ungjilli i përjetshëm, i njëjti ungjill që u deklarua në Eden kur Perëndia i tha gjarprit, “*Unë do të shtie armiqësi midis teje dhe gruas, midis farës sate dhe farës së saj; ai do të të shtypë kokën dhe ti do t'i plagosësh thembrën*” (Zanafilla 3:15). Këtu është premtimi i parë i një Shpëtimatari që do të qëndronte në fushën e betejës për të përballuar pushtetin e Satanit dhe për të ngadhënjyer përmbi të.”—*Selected Messages*, bk. 2, p. 106.

**b. Kujt iu dha urdhërimi për të shpalluar ungjillin?** Marku 16:14–16.

“Shërbimi ndaj Perëndisë përfshin shërbesën personale. Me përpjekje personale ne duhet të bashkëpunojmë me Të për shpëtimin e botës. Urdhërimi i Krishtit, “*Shkoni në të gjithë botën, dhe predikoni ungjillin çdo krijesë*”, i deklarohet gjithsecilit prej ndjekësve të tij. (Marku 16:15). Të gjithë ata që janë thirrur në jetën e Krishtit janë të thirrur për shpëtimin e njerëzve të tjerë. Zemrat e tyre do të rrahin njësoj me zemrën e Krishtit. I njëjti zell për shpirtrat që Ai kishte do të demonstrohet tek ata. Jo të gjithë mund të të kenë të njëjtën punë, por për të gjithë ka një vend dhe një punë për të kryer.”—*Christ's Object Lessons*, pp. 300, 301.

“Urdhërimi i Shpëtimtarit ndaj dishepujve përfshin të gjithë besimtarët në fund të kohërave. Atyre që kanë marrë thirrjen qiellore iu është besuar ungjilli. Të gjithë ata që marrin jetën e Krishtit janë të thirrur për veprën e shpëtimit për njerëzit e tjerë. Për këtë është krijuar edhe kisha, dhe të gjithë ata që marrin mbi vete betimet e saj të shenjta, janë të detyruar të jenë bashkëpunëtorë me Krishtin.”—*Counsels to Parents, Teachers, and Students*, p. 466.

## ***E Mërkurë, 30 Dhjetor***

### **4. DETYRA E ËNGJËJVE**

**a. Në çfarë mënyre janë të përfshirë ëngjëjt në aktivitetin tokësor?**  
Hebrenjtë 1:13, 14.

“Krishti dëshiron fort të punoj fuqishëm përmes Frymës së Tij për bindjen dhe kthimin në besim të mëkatarëve. Por, sipas planit të tij hyjnor, puna duhet të kryhet nëpërmjet kishës së Tij, dhe anëtarët e saj janë larguar kaq shumë prej Tij sa që Ai nuk mund të përmbushë vullnetin e Tij në ta. Ai zgjedh të përdorë mënyra, por mënyrat e zgjedhura duhet të jenë në harmoni me karakterin e Tij.” —*Testimonies*, vol. 5, p. 189.

“Si përfaqësuesit e Tij në mes të njerëzve, Perëndia nuk zgjedh ëngjëjt që nuk kanë rënë në mëkat, por njerëz me të njëjtat pasione me ata që priten të shpëtohen. Krishti u bë njeri që të arrinte njerëzit. Duhej një Shpëtimtar njeri-hyjnor që t’i sillte shpëtimin botës. Dhe burrave dhe grave u është dhënë detyra e shenjtë për të bërë të njohur “*pasuritë e papërshkrueshme të Krishtit*” (Efesianët 3:8).

“Në urtësinë e Tij Zoti sjell në kontakt ata që kërkojnë të vërtetën me ata që e dinë të vërtetën. Është plani qiellor që ata që e kanë dritën ta përçojnë atë tek ata në errësirë. Njerëzimi, duke marrë forcë nga Burimi i madh i urtësisë, është bërë mjeti, agjencia vepruese, me anë të së cilës ungjilli ushtron fuqinë e tij jetëndryshuese në mendje dhe në zemër.”—*The Acts of the Apostles*, p. 134.

**b. Shembuj të shërbesës së ëngjëjve në ndihmë të njerëzve.** Veprat e Apostujve 10:1–4.

“Ndërsa i afrohemi fundit të epokave, agjencitë satanike në formë njerëzore do të marrin pjesë në këtë konflikt të fundit për të kundërshtuar ndërtimin e mbretërisë së Perëndisë. Dhe ëngjëjt qiellore në shëmbëllim njerëzor do të jenë në fushë veprimi. Dy grupet kundërshtuese do të vazhdojnë të ekzistojnë derisa të mbyllet kapitulli i madh në historinë botërore. Agjencitë satanike janë në çdo qytet. Nuk mund të heqim vëmendjen për asnjë moment. Besimtarët e vërtetë, do të luten më shumë dhe do të flasim më pak rreth çështjeve me pak rëndësi. Dëshmi gjithnjë e më të mëdha do të dalin nga goja e tyre për të inkurajuar të dobtit dhe nevojtarët.” - *Selected Messages*, bk. 2, p. 383.

## ***E Enjte, 31 Dhjetor***

### **5. PËRFAQËSIMI I NJË POPULLI**

**a. Pasi Sauli dhe Korneli u thirrën nga Zoti, çfarë pune duhej kryer për ta dhe prej kujt?** Veprat 9:5–12; 10:5, 6, 19–24.

“Drita e mrekullueshme që ndriçoi errësirën e Saulit ishte vepra e Zotit, por gjithashtu duhej kryer edhe një punë tjetër nga ana e dishepujve. Krishti kishte kryer veprën e zbulesës dhe të bindjes, dhe tani i penduari ishte në gjendje të mësohej prej atyre të cilëve Perëndia i kishte zgjedhur të mësonin të vërtetën.”—*The Acts of the Apostles*, p. 121.

**b. Meqë Perëndia përdor njerëzit të predikojnë ungjillin kësaj bote, cilët përfaqësojnë ëngjëjt tek Zbulesa 14?** Isaiah 52:7, 8.

“Krishti po vjen për së dyti herë, me fuqi për shpëtim. Për të përgatitur njerëzit për këtë ngjarje, Ai ka dërguar mesazhet e para, të dyta dhe të treta të ëngjëjve. Këta ëngjëj përfaqësojnë ata që e pranojnë të vërtetën dhe me fuqi ia shpalosin lajmin e mirë botës.”—*The SDA Bible Commentary* [E. G. White Comments], vol. 7, pp. 978, 979.

“Ne duhet të jemi si administratorë besnikë, jo vetëm për gjërat tona, për për hirin që na është dhënë, që shumë shpirtra të jenë nën flamurin e gjakosur të Princit Emanuel. Qëllimet dhe arritjet për t’u kryer nga misionarët e shenjtë janë shumë të kuptueshme. Territori për operacionin misionar nuk është i kufizuar nga klasat dhe kombësitë. Territori është bota, dhe drita e së vërtetës duhet të shkojë në të gjitha vendet e errëta të tokës në një kohë sa më të shkurtër tej parashikimeve njerëzore.”—*Fundamentals of Christian Education*, p. 209.

## ***E Premte, 1 Janar***

### **PYETJE PËR ANALIZË PERSONALE**

- a. Pse duhet të studiojmë profecitë që përshkruajnë ditët tona?
- b. Para lajmërimit të gjykimit, çfarë shpall ëngjëlli i parë me zë të lartë?
- c. Sa të përfshirë janë ëngjëjt në gjërat tokësore?
- d. Ata që thirren të ndjekin Zotin—kush duhet t’i mësojë për të vërtetën?
- e. Çfarë përfaqësojnë tre ëngjëjt e Zbulesës 14 në tokë, dhe cila është përgjegjësia jonë?

**Mësimi 2, E Shtunë, 9 Janar, 2010**

## **Forcë për t'u bindur**

*“Unë nuk kam turp për ungjillin e Krishtit, sepse është fuqia e Perëndisë për shpëtimin e cilitdo, më parë hebreat pastaj grekut” (Romakëve 1:16)*

“Ndërsa vullneti i njeriut bashkëpunon me vullnetin e Perëndisë, bëhet i fuqishëm. Çfarëdo që duhet bërë në urdhërin e Tij mund të përmbushet në fuqinë e Tij. Të gjitha porositë e Tij bëhen të mundshme.”—*Christ’s Object Lessons*, p. 333.

**Lexim i sugjeruar:** *Steps to Christ*, pp. 23–36.

### ***E Djelë, 3 Janar***

#### **1. REZULTATI I MESAZHIT PËRFUNDIMTAR TË UNGJILLIT**

**a. Çfarë cilësie të karakterit zhvillohet nga ata që i pranojnë tre mesazhet e Zbulesës 14? Zbulesa 14:12.**

“Në Zbulesën 14, njerëzit thirren të adhurojnë Krijuesin, dhe profecia sjell pamjen e një klase që si rezultat i mesazhit tresh, mbajnë urdhërimet e Perëndisë.”—*The Great Controversy*, p. 437.

“Meqë ata që mbajnë urdhërimet e Perëndisë janë në kontrast me ata që adhurojnë bishën dhe imazhin e tij duke marrë damkën e tij, tregon që mbajtja e ligjit të Perëndisë në njërin dorë dhe dhunimi i tij në tjetrën, do të shpalosë ndryshimin midis adhuruesve të Perëndisë dhe adhuruesve të bishës.”—*Ibid.*, pp. 445, 446.

**b. Çfarë urdhërimi i Jezusit përmbushet në këtë varg (Zbulesa 14:12)? Mateu 5:48.**

“Sjelljet e mësuara nga njohuria e ungjillit nuk kanë standart tjetër veç përsosmërisë së mendjes së Perëndisë, dhe vullnetit të Tij.”—*Testimonies*, vol. 7, p. 276.

“Shkenca e shpëtimit nuk mund të shpjegohet, por mund të njihet nga përvoja.”—*The Desire of Ages*, p. 495. ***E Hënë 4 Janar***

## 2. PËRSOSJA E KARAKTERIT

**a. Pse ungjilli është pjesë e rëndësishme e tre mesazheve të ëngjëjve?** Romakëve 1:16.

“Para se besimtarit t’i jepet mundësia e mrekullueshme e të qenit si Krishti, duhet të jetë i bindur ndaj të gjitha parimeve të ligjit. Por nga vetvetja njeriu është krejt i paaftë të arrijë këtë kusht. Shenjtëria që fjala e Perëndisë deklaron që duhet të ketë para se të shpëtohet është rezultat e veprës së hirit hyjnor ndërsa ai nënshtrohet ndaj disiplinës së dhe ndikimit të Frymës të së vërtetës. Bindja e njeriut mund të përsoset vetëm nga drejtësia e Krishtit, e cila mbush me aromë hyjnore çdo veprim të bindjes. Pjesa e të krishterit është ngulmojë për të mposhtur çdo rrëzim. Vazhdimisht ai duhet t’i lutet Shpëtimtarit për të shëruar çrregullimet e shpirtit të tij të sëmurë nga mëkati. Ai nuk ka në vetvete urtësinë apo forcën për të fituar. Ato i përkasin Zotit, dhe Ai e derdh mbi ata që në përlulësi dhe nënshttrim kërkojnë ndihmën e tij.”—*The Acts of the Apostles*, p. 532.

“Krishti është shkalla që pa Jakobi, baza e të cilës ishte në tokë, dhe maja që arrinte portën e qiellit, në vetë lavdinë qiellore. Nëse shkalla do të kishte arritur tokën, do të ishim të humbur. Por Krishti na arriti aty ku ndodheshim. Ai mori natyrën tonë dhe fitoi, që ne duke marrë natyrën e Tij gjithashtu të fitojmë. Duke marrë “*shëmbëllim mishi mëkatar*” (Romakët 8:3), Ai jetoi i pamëkat. Tani me anë të madhësisë së Tij rri në fron të përjetësisë, ndërsa me të qenit njeri nga arrin këtu ku jemi. Ai na ofron që me anë të besimit në Të të arrijmë lavdinë e karakterit të Perëndisë. Prandaj duhet të jemi të përsosur, ashtu si “*Ati që është në qiell është i përsosur*” (Mateu 5:48) —*The Desire of Ages*, pp. 311, 312.

**b. Si mund të arrijmë përsosmërinë e karakterit nëpërmjet ungjillit?** Filipianëve 2:5; 1 Pjetrit 2:21; 1 Gjonit 3:2.

“Sa nevojë të madhe kemi për bashkësi me Perëndinë! Çfarë nevoje kemi për hirit hyjnor të drejtoje çdo hap dhe të na tregojë sesi të përsosim karakterin e krishterë!

“Të krishterët do të kalojnë skena dhe përvoja të reja aty ku e kaluara nuk mund të jetë një udhëzues i mjaftueshëm. Tani më shumë se kurrë kemi nevojë të madhe të mësojmë nga Mësuesi hyjnor. Dhe sa më shumë përvojë fitojmë, aq më tepër i afrohem dritës së pastër qiellore.”—*Testimonies*, vol. 3, p. 542.

***E Martë, 5 Janar***

### **3. E VËRTETA**

**a. Arma e parë e ungjillit e përshkruar tek Efesianët 6:10-18 është e vërteta. Si vijmë tek e vërteta?** Gjoni 8:32-36; 2 Timoteut 3:15-17.

“Ti ke nevojë për frymëzimin e Frymës së Shenjtë për të të ndihmuar në kërkimin e së vërtetës me druajtje dhe përujje, duke i dhënë mendjes tënde një dëshirë të fortë, që nuk do të shuhet derisa të shohësh gjëra jashtë ligjit. Gërrmo thellë në minierën e së vërtetës, dhe mos u kënaq derisa të kesh kuptuar siç duhet se çfarë e përbën forcën e ligjit të Perëndisë. Duhet të kërkosh dhe të kërkosh, dhe të qash, agjërosh dhe të lutesh, me qëllim që të të zbulohet një pamje e ligjit të Perëndisë derisa të jesh në gjendje të shkosh dhe të vëzhgosh shpirtat si ata që duhet të japin llogari. —*The Signs of the Times*, October 2, 1893.

**b. Çfarë pyetje bëri Ponc Pilati, dhe si mund t’i ishte përgjigjur Krishti sikur Pilati t’i kishte pritur për ta dëgjuar?** Gjoni 18:38; 14:6.

“Pilati kishte dëshirë ta njihte të vërtetën. Ai ishte i paqartë në mendjen e tij. I pranoi me zell fjalët e Shpëtimtarit, dhe zemra iu mbush me një dëshirë të madhe për të ditur se çfarë ishte, dhe si mund ta kuptonte. “Çfarë është e vërteta?” pyeti ai. Por nuk priti për një përgjigje. Kryengritja jashtë i kujtoi interesat e momentit.”- *The Desire of Ages*, p. 727.

“Krishti është sistemi i plotë i së vërtetës. Ai tha, “Unë jam Rruga, e Vërteta dhe Jeta” (Gjoni 14:6). Të gjithë besimtarët e vërtetë përqendrohen në Krishtin, karakteri i tyre rrezatohet nga Krishti, dhe gjithçka ka të bëjë rreth Krishtit. E vërteta vjen prej qiellit për të pastruar njeriun nga çdo ndotje morale. Ajo çon në veprime bamirëse, tek një dashuri e sinqertë dhe mirëdashëse ndaj nevojtarëve, të trishtuarve dhe të përvuajturve. Kjo është bindje praktike ndaj fjalëve të Krishtit.”—*Selected Messages*, bk. 3, p. 198, 199.

“Sepse Fryma e Shenjtë vjen, jo për të lartësuar njeriun, ose të ndërtojnë teoritë e tyre të gabuara, por që të bindë botën për mëkat, drejtësi dhe për gjykimin që po vjen, dhe që shumë të kthehen në besim. Bota nuk është e gatshme të shkëmbejë drejtësinë e saj (e cila është padrejtësi) për drejtësinë e Krishtit, e cila është e vërtetë e pastër dhe e pakorruptueshme.”—*The Signs of the Times*, September 27, 1899.

## ***E Mërkurë, 6 Janar***

### **4. DREJTËSIA ME ANË TË BESIMIT**

**a. Përveç rrëfimit të mëkateve tona me qëllim që të marrim falje dhe pastrim të plotë, çfarë nevojitet tjetër?** Romakëve 1:17; Galatasve 5:6; Hebrenjve 10:38.

“Fjala e Perëndisë duhet të gërshetohet me karakterin e gjallë të atyre që e besojnë. I vetmi besim i vërtetë është ai besim që e pranon dhe e përvetëson të vërtetën derisa të bëhet pjesë dhe fuqi motivuese e jetës dhe e veprimeve... . Ndjekësit e Krishtit duhet të jenë pjesëmarrës të përvojës së Tij. Ata duhet ta përvetësojnë Fjalën e Perëndisë dhe të ndryshohen në ngjashmëri me të nga fuqia e Krishtit dhe të reflektojnë cilësi hyjnore.”—*Testimonies*, vol. 5, p. 576.

**b. Nëse e dëshirojmë këtë përvojë fitimtare, kujt mund t'i nënshtrojmë jetën e përditshme?** Gjoni 14:26; 16:13; 2 Thesalonikasve 2:13, 14.

“Pasi ka sjellë bindjen për mëkat, dhe ia ka prezantur mendjes standartin e drejtësisë, Fryma e Shenjtë të drejton nga pasioni për gjërat e kësaj bote tek një dëshirë për shenjtëri. ‘Ai do t’ju drejtojë në gjithë të vërtetën’ (Gjoni 16:13), tha Shpëtimtari. Nëse njerëzit janë të vullnetshëm të ndryshojnë, një shenjtërim i plotë do të vijë. Fryma e Shenjtë do të marrë gjërat e Perëndisë dhe t’i vulosë në shpirtrat e tyre. Me anë të fuqisë së Tij rruga e jetës do të bëhet qaq e qartë saqë nuk do të jetë më rreziku për t’u ngatërruar.”—*The Acts of Apostles*, p. 52, 53.

**c. Si e përmbledh Bibla misionin e Krishtit ndaj botës?** Mateu 1:21; Luka 19:10; Hebrenjtë 7:25.

“Zoti ynë Jezus Krisht erdhi në këtë botë si shërbëtori i palodhur për nevojën e nevojën e njeriut. Ai mori lëngatat tona dhe mbarti sëmundjet tona”, që të kishte mundësinë për t’i shërbyer çdo nevoje të njerëzimit (Mateu 8:17). Ai erdhi për të hequr barrën e sëmundjes, mjerimin dhe mëkatin. Misioni i Tij ishte të sillte për njeriun një restaurim të plotë. Ai erdhi t’u japë njerëzve shëndet, paqe dhe përsosje të karakterit.”—*The Ministry of Healing*, p. 17.

## ***E Enjte, 7 Janar***

### **5. SHPËTIM I PLOTË NGA MËKATI**

**a. Si na sjell restaurim të plotë Krishti?** 1 Gjonit 1:9; 2 Pjetrit 1:10, 11.

“Përmes hirit të Perëndisë dhe përpjekjeve të tyre të vazhdueshme (ata që jetojnë mbi tokë ditët e fundit) duhet të jenë fitimtarë në betejën me të keqen. Ndërsa gjykimi hetues shkon lart në qiell, ndërsa mëkatet e besimtarëve të penduar hiqen nga shenjtërorja, duhet të ketë një vepër pastrimi nga mëkati midis popullit të Perëndisë mbi tokë. Kjo vepër pasqyrohet më qartë tek Zbulesa 14.

“Kur kjo vepër të përmbushet, ndjekësit e Krishtit do të jenë gati për shfaqjen e Tij. *“Atëherë oferta e Judës dhe Jeruzalemit do të jetë e kënaqshme për Zotin, si në ditët e shkuara, si në vitet e shkuara”* (Malakia 3:4). Atëherë kisha e cila do të merret nga Zoti ynë në ardhjen e tij do të jetë *“një kishë e lavdishme, pas një njollë apo rrudhë”* (Efesianëve 5:27). Atëherë ajo do të duket si *“agimi, e bukur si hëna, e pastër si dielli, e tmerrshme si një ushtri me flamuj të shpalosur”* (Kënga e këngëve). —*The Great Controversy*, p. 425.

“Ndërsa merrni Frymën e Krishtit – Frymën e dashurisë vetëmohuese dhe shërbenjëse për të tjerët – do të rriteni dhe do të jepni fryt. Hirit e Frymës do të pihen në karakterin tënd. Besimi yt do të rritet, bindjet do të thellohen, dashuria do të të përsoset. Gjithnjë e më shumë do të reflektosh ngjashmërinë e Krishtit në gjithçka që është e pastër, fisnike dhe e dashur...

“Kur karakteri i Krishtit do të riprodhohet përsosmërisht tek populli i Tij, atëherë ai do t’i shpallë si të Tijtë.”—*Christ’s Object Lessons*, pp. 68, 69.

## ***E Premte, 8 Janar***

### **PYETJE PËR ANALIZË PERSONALE**

- a. Cili ishte rezultati i shpalljes së tre mesazheve të ëngjëjve?
- b. Ungjilli është fuqia e Perëndisë për shpëtim. Shpjegoje.
- c. Në çfarë kuptimi njohuria e së vërtetës na çliron?
- d. Si ndërthuren besimi në të vërtetën dhe vepra e Frymës së Shenjtë?
- e. Çfarë do të ndodhë kur karakteri i Krishtit do të riprodhohet përsosmërisht tek ne?

**Mësimi 3, E Shtunë, 16 Janar, 2010**

## **Besimi në Ungjillin**

“*Besimi ujen nga dëgjimi, dhe dëgjimi nga fjala e Perëndisë*” (Romakëve 10:17)

“Tundimet shpesh shfaqen të parezistueshme sepse duke refuzuar të lutet dhe të studiojë biblën, i tunduari nuk mund të kujtojë premtimet e Perëndisë dhe të përballet me armët e Satanit.”—*The Great Controversy*, p. 600.

**Lexim i sugjeruar:** *Christ’s Object Lessons*, pp. 95–102.

### **E Djelë, 10 Janar**

#### **1. FUQIA E PERËNDISË**

**a. Pse është e vështirë për disa njerëz të jetojnë si të krishterë? Si mund t’i ndihmojë ungjilli të mposhtin këtë vështirësi?** Romakëve 6:3-7; 1 Korintasve 1:18, 24.

“Pse qënka kaq e vështirë të jetosh një jetë të përlulur dhe vetëmohuese? Sepse të ashtuquajturit të krishterë nuk kanë vdekur ndaj botës. Është shumë e lehtë të jetosh pasi kemi vdekur. Por shumë dëshirojnë preshët dhe qepët e Egjiptit. Ata kanë tendencën të vishen dhe të të veprojnë sa të munden si bota dhe gjithsesi të shkojnë në qiell. Të tillë persona i ngjiten një rruge tjetër, por jo nëpërmjet derës së ngushtë dhe rrugës së ngushtë.”—*Testimonies*, vol. 1, p. 131.

“Kur ia dorëzojmë plotësisht veten Perëndisë, dhe besojmë plotësisht, gjaku i Krishtit nga pastron nga çdo mëkat. Ndërgjegja çlirohet nga dënimi. Me anë të besimit në gjakun e Tij, të gjithë bëhen të përsosur në Krishtin Jezus.”—*Selected Messages*, bk. 2, p. 32.

**b. Përveç ungjillit të vërtetë, çfarë rëndësie tjetër thekson Pali?** 1 Korintasve 9:16; Galatasve 3:1; Filipianëve 3:8.

“Çdo njeri i pakthyer në besim është i joshur, dhe i ngatërruar nga fuqia e magjishme e mashtruesit të madh... . Çdo person që jeton në një gabim të njohur, në besim ose në praktikë, është nën pushtetin e magjisë, dhe e praktikon atë mbi të tjerët. Satani e punëson të çojë në gabim shpirta të tjerë.”*The Signs of the Times*, May 18, 1882.

***E Hënë, 11 Janar***

## **2. BESIMI I GJALLË**

**a. Si mund të mbahemi tek ungjilli që të jetë fuqia e Perëndisë për shpëtimin tonë?** Efesianët 6:10, 11, 18

“Kur Krishti mori natyrë njerëzore, e lidhi njerëzimin me Vetën me anë të një lidhjeje dashurie që nuk mund të këputet përveçse me anë të zgjedhjes së vetë njeriut. Satani vazhdimisht do të ofrojë tundime për të na joshur që ta këputim këtë lidhje – për të zgjedhur shkëputjen nga Krishti. Këtu është momenti që të jemi vigjilentë, për të luftuar dhe për t’u lutur që asgjë të mos na joshë në zgjedhjen e një zoti tjetër, sespe jemi gjithmonë të lirë për ta bërë këtë. Por le t’i mbajmë sytë tek Krishti, dhe Ai do t’na ruajë. Duke parë tek Jezusi, jemi të sigurt.”—*Steps to Christ*, p. 72.

“Pa hirin e Krishtit, mëkatari është në një gjendje pa shpresë. Asgjë nuk mund të bëhet për të. Por nëpërmjet hirit hyjnor, fuqia e mbinatyrshme i transmetohet njeriut, dhe ajo punon në mendje, në zemër dhe në karakter. Është përmes transmetimit të hirit të Krishtit që mëkati zbulohet në natyrën e tij të urrejtshme, dhe në fundi largohet nga tempulli i shpirtit.”—*Selected Messages*, bk. 1, p. 366.

**b. Si mund ta dimë se cili është besimi i gjallë dhe i vërtetë?** Efesianëve 5:14; Hebrenjve 12:2.

“Prej mëkatit jemi të ndarë nga jeta e Perëndisë. Shpirtrat tanë janë të paralizuar. Nga vetja nuk jemi të aftë për të jetuar jetë të shenjta porsinjeriu i gjymtuar që është i paftë të ecë. Shumë e vërejnë pashpresshmërinë e tyre, dhe që dëshirojnë atë jeë frymore që do t’i sjellë në harmoni me Perëndinë. Ata përpiqen më kot që ta arrijnë. Në dëshpërim ata thërresin: “O sa njeri i mjerë që jam! Kush do të më çlirojë nga ky trup i vdekjes?” (Romakëve 7:24. Këta të shkurajuar dhe të përvuajtur le të shikojnë lart. Shpëtimtari shpalos blerjen e gjakut të Tij duke thënë me një butësi dhe mëshirë të papërshkrueshme, “A dëshiron të shërohesh” (Gjoni 5:6)? Ai të ofron të ngrihesh në shëndet dhe në paqe. Mos prit të ndjesh shërim. Beso fjalën e Tij dhe ajo do të përmbushet. Vendose vullnetin në anën e Krishtit. Vullnet për t’i shërbyer Atij, dhe në bindje të fjalë së Tij do të marrësh forca. Sado e madhe të ketë qenë e keqja, Krishti mundet dhe dëshiron të të çlirojë. Ai do të transmetojë jetë në shpirt i cili është “i vdekur në fajë” (Efesianëve 2:1). Ai do të çlirojë robërit që mbahen në dobësinë, fatkeqësinë dhe zinxhirët e mëkatit. -*The Desire of Ages*, p. 203.

***E Martë, 12 Janar***

### **3. CENTURIONI I KAPERNAUMIT**

**a. Çfarë kërkesë urgjente i bën centurioni romak Jezusit ndërsa ai po kalonte përmes Kapernaumit?** Mateu 8:5, 6.

“Shërbëtori i centurionit ishte goditur nga paraliza, dhe shtrihej në prag të vdekjes. Në mes të romakëve shërbëtorët ishin skllevër, blerë dhe shitur nëpër tregje, të trajtuar me abuzim dhe dhunë, por centurioni e donte shumë këtë shërbëtor, dhe dëshironte me ngulm shërimin e tij. Ai besoi se Jezusi mund ta shëronte. Ai nuk kishte qenë Shpëtimtari por zërat që kishte dëgjuar e kishin frymëzuar për besim. Megjithë formalizimit të hebrenjve, ky romak ishte i bindur se feja e tyre ishte më e përsosur se e tij. Tashmë ai kishte depërtuar përmes pengesave të padrejtësive dhe urrejtjes kombëtare që ndante fitimtarët nga humbësit. Ai kishte treguar respekt për shërbimin ndaj Perëndisë, dhe kishte treguar mirësi ndaj hebrenjve si adhurues të Tij. Në mësimin e Krishtit, ashtu siç i ishte raportuar, kishte gjetur Atë që përmbushte nevojën e shpirtit. Gjithçka që ishte frymore brenda tij mori përgjigje nga fjalët e Shpëtimtarit. Por u ndje i padenjë për të ardhur në praninë e Jezusit, dhe u tha pleqve hebrenj për të bërë kërkesën për shërimin e shërbëtorit të tij.”—*The Desire of Ages*, p. 315.

**b. Çfarë shprese solli dhe vazhdon të sjellë, përgjigjja e Krishtit?** Mateu 8:7.

“Zoti dëshiron që të shkojmë tek Ai me dobësinë tonë, me besim, duke ditur që Ai i kthen sytë e Tij të dhembshur mbi ne.”—*The Review and Herald*, April 1, 1880.

**c. Si iu përgjigj ky njeri i autoritetit botëror, duke treguar që e kishte kuptuar Jezusin më shumë sesa njerëzit e shpallur të Perëndisë?** Mateu 8:8, 9.

“Kur iu afrua Shpëtimarit, centurioni tha, “Ashtu si unë përfaqësoj fuqinë e Romës, dhe ushtarët e pranojnë autoritetin tij si suprem, po kështu Ti përfaqëson fuqinë e Perëndisë së Përjetshëm, dhe të gjitha gjërat e krijuara i binden fjalës Sate. Ti mund të urdhërosh sëmundjen të largohet, dhe ajo do të bindet. Ti mund të urdhërosh shërbëtorët e Tu qiellore, dhe ata do të sjellin forcë shërimi. Fol Fjalën Tënde, dhe shërbëtori im do të shërohet.” - *The Desire of Ages*, p. 316.

***E Mërkurë, 13 Janar***

#### **4. PËRULËSI DHE BESIM**

**a. Çfarë vuri re Jezusi tek qëndrimi i centurionit, që si rrjedhojë solli rezultatin e dëshiruar?** Mateu 8:10–13.

“Centurioni pohoi për veten, *“Nuk jam i denjë”*. Zemra iu prek nga hiri i Krishtit. Ai pa padenjësinë e vet, megjithatë nuk pati frikë të kërkonte ndihmë. Nuk i zuri besë mirësisë së Tij, por argumenti i tij ishte nevoja e tij e madhe. Besimi i tij u fokusua në Krishtin dhe karakterin e Tij të vërtetë. Ai nuk besoi tek Ai thjesht si mrekullibërës, por si mik dhe Shpëtimtar i njerëzimit...

*“Jo me anë të veprave të drejtësisë që kemi kryer, por me mëshirën e Tij Ai na ka shpëtuar”* (Titi 3:5). Kur Satani të akuzon se je mëkatar, dhe nuk mund të shpresosh për të marrë bekimin nga Perëndia, kundështoje duke shpalluar që Krishti erdhi në botë për të shpëtuar mëkatarët. Nuk kemi asgjë që të na pranojë para Perëndisë, por lutja që mund të bëjmë tani dhe gjithmonë është gjendja jonë thellësisht e pashpresë që e kthen fuqinë e tij çliruese në një domosdoshmëri. Duke refuzuar të gjithë vetë-mbështetjen, mund të shikojmë tek kryqi i Kalvarit dhe të pohojmë, - *“Në duart e mia nuk ka asnjë çmim, vetëm tek kryqi yt shikoj.”* - *The Desire of Ages*, p. 317.

**b. Si e tregon kjo përvojë mësimin se duhet të besojmë sinqerisht në Fjalën e Perëndisë që të shpëtohemi?** Jeremia 29:13; Veprat 16:30, 31.

“Nuk jemi të shpëtuar si sekt; asnjë emër denominacioni nuk ka forcën për të na dhënë favorin para Perëndisë. Ne shpëtohemi individualisht si besimtarë në Zotin Jezus Krisht. Dhe *“me anë të hirit jeni të shpëtuar, jo nga vetja juaj. Kjo është dhuratë e Perëndisë”*(Ephesians 2:8). Mund ta kemi emrin të shënuar në librat e kishave më frymore, dhe megjithatë mund t’i mos i përkasim Krishtit, dhe emrat mund t’i mos i kemi të rregjistruar në librin e jetës së Qengjit. Krishti tha, *“Unë jam Udha, e Vërteta, dhe jeta. Askush nuk vjen tek Ati përveçse nëpërmjet Meje”* (Gjoni 14:6) Nëse mund të fitojmë qiellin me meritat dhe përpjekjet tona, atëherë nuk ishte nevoja që Krishti të vinte në botë, për të duruar vuajtje, përçmim, dhe turp, për të qenë pronë e përbuzjeve, talljes, abuzimit dhe vdekjes. Ai kreu një sakrificë të përjetshme, sepse ishte e Vetmja rrugë që njerëzit mund të shpëtoheshin. Ata që besojnë në Krishtin do ta zbulojnë këtë besim në jetën dhe në karakterin e tyre. Duke parë Krishtin ata do të shndërrohen sipas imazhit të Tij, dhe Krishti do të shpaloset në botë me anë të ndjekësve të Tij.”—*The Review and Herald*, February 10, 1891.

## ***E Enjte, 14 Janar***

### **5. BESIM PLUS MIRËBESIM**

**a. Si na mëson përvoja e centurionit që nuk është mjaft të besosh, por që besimit i duhet shtuar mirëbesimi?** Jakobi 2:19, 20; 1 Timoteut 4:10.

“Askush nuk mund të justifikohet me anë të veprave të veta. Mund të çlirohesh nga faji i mëkatit, nga dënimi i ligjit, nga dënimi i paudhësisë, vetëm me meritën e vuajtjeve, vdekjes dhe rringjalljes së Krishtit. Besimi është kushti i vetëm me anë të cilit mund të merret shfajësimi, dhe besimi nuk përfshin vetëm të zënë besë por edhe mirëbesimin.”—*Selected Messages*, bk. 1, p. 389.

**b. Çfarë duhet të bëjmë çdo ditë për të fituar këtë besim të gjallë?** Isaia 45:22; 1 Timoteut 6:11, 12.

“Fjala e Perëndisë ofron liri frymore dhe ndriçim për ata që e studiojnë me zell. Ata që i pranojnë premtimet e Perëndisë, dhe veprojnë drejt tyre me besim të gjallë, do të ketë dritën qiellore në jetët e tyre. Ata do të pinë nga burimi i jetës, dhe do t’i drejtojnë të tjerët tek ujërat ku vetë shpirtrat e tyre u freskuan. Duhet të kemi atë lloj besimi në Perëndinë që i beson çdo fjale që Ai thotë.”—*The Review and Herald*, September 22, 1910.

“Duke parë vazhdimisht tek Jezusi me syrin e besimit, do të forcohemi. Perëndia do të shfaqë zbulesat më të mrekullueshme njerëzve të tij të uritur dhe të etur. Ata do të kuptojnë që Jezusi është një Shpëtimtar personal. Ndërsa ushqehen në fjalën e Tij, do të kuptojnë që ajo është frymë dhe jetë. Fjala shkatërron natyrën tokësore dhe na jep jetë të re në Krishtin Jezus.”—*The Desire of Ages*, p. 391.

## ***E Premte, 15 Janar***

### **PYETJE PËR ANALIZË PERSONALE**

- a. Çfarë do të thotë shprehja: “*Është e lehtë të jetosh pasi ke vdekur*”?
- b. Përshkruani besimin e vërtetë dhe të gjallë.
- c. Çfarë e çoi centurionin romak të kultivonte besimin e vërtetë në Jezus?
- d. Në atë çfarë përjetoj centurioni, përshkruani kuptimin e vërtetë të besimit.
- e. Çfarë përfshin besimi i vërtetë që e bën kaq të fuqishëm?

**Mësimi 4, E Shtunë 23 Janar, 2010**

## **PERËNDIA U SHFAQ NË TRUP NJERËZOR**

“Fjala u bë mish dhe banoi ndër ne, dhe ne pamë laudinë e Tij, si të Vetëmlindurit prej Atit, plot hir dhe të vërtetë” (Gjoni 1:14)

“Apostulli Gjon na tërheq vëmendjen tonë tek Autori i shpëtimit tonë. Ai na paraqet para nesh dy natyra, hyjrore dhe njerëzore.”—*The SDA Bible Commentary* [E. G. White Comments], vol. 5, p. 1126.

**Lexim i sugjeruar:** *The Desire of Ages*, pp. 43–49, 632–634.

**E Djelë, 17 Janar**

### **1. FUQI UNGJILLORE**

**a. Çfarë lloj njerëzish do të njohë Jezusi në kthimin e Tij?** Zbulesa 14:12; Efesianëve 5:27; 1 Thesalonikasve 5:23.

“Perëndia që njeh zemrat e të gjithëve do të sjellë në dritë gjërat e fshehtat të errësirës aty ku ato dyshohen më pak, me qëllim që barrierat që kanë penguar ecjen përpara të ungjillit të hiqen, dhe Perëndia të ketë një popull të pastër dhe të shenjtë për të shpallur statutet dhe gjykimet e Tij.”—*Testimonies*, vol. 1, p. 333.

“Para se të na japë pagëzimin me Frymën e Shenjtë, Ati ynë qiellor do të na vërë në provë për të parë nëse mund të jetojmë pa e çnderuar.”—*Selected Messages*, bk. 3, pp. 426, 427.

**b. Si bëhen burrat dhe gratë populli i Perëndisë (“populli im”)?** Gjoni 1:12; Romakëve 8:14, 17.

“Me anë të kësaj fuqie mund të mposhtim tendencat tona të këqija që t’i modifikojmë ato që vullneti i Perëndisë të përmbushet në ne.”—*The Upward Look*, p. 141.

***E Hënë, 18 Janar***

## **2. MISTERI I UNGJILLIT**

**a. Megjithëse patriarkët e njohën ungjillin deri diku, kur u zbulua ai krejtësisht?** Galatasve 3:8; Efesianëve 6:19; Kolosianëve 1:26, 27.

**b. Çfarë thotë Pali për “misterin e ungjillit”?** Romakëve 9:26, 27; 11:25; 16:25, 26; Efesianëve 3:3–6.

“Vetë Ati vuajti me Birin, sepse *“Perëndia ishte në Krishtin, duke e pajtuar botën me veten”* (2 Korintasve 5:19). Njeriu, me gjykimin e tij njerëzor të kufizuar, nuk mund të vërë në dyshojë urtësinë e Perëndisë. Prandaj është e pavolitshme që ai të kritikojë planin e shpëtimit. Para temës së çlirimit, të gjithë njerëzit le të hedhin diturinë e tyre në pluhur, dhe të pranojnë planet e Atij, urtësia e të Cilit është e pakufijshme.” - *The Signs of the Times*, December 30, 1889.

**c. Kur do t’i shpaloset botës ungjilli më i qartë dhe më i plotë?** Zbulesa 14:6, 7; 18:1.

“Zoti Perëndi nuk do të hedhë mbi botë gjykimet e Tij për mosbindje dhe shkelje derisa të ketë dërguar rojtarët e Tij për të dhënë paralajmërimin. Ai nuk do ta mbyll periudhën e provës derisa mesazh do të shpallet qartë. Ligji i Zotit duhet të lartësohet. Shpalljet e tij duhet të prezantohen në karakterin e tyre të shenjtë dhe të vërtetë, që njerëzit të vendosin pro ose kundër së vërtetës. Megjithatë puna do të ndërpritet me drejtësi. Mesazhi i drejtësisë së Krishtit do të tingëllojë nga një njeri cep i botës tek tjetri për të përgatitur rrugën për Zotin. Kjo është lavdia e Perëndisë, që do të mbyllë veprën e ëngjëllit të tretë.”—*Testimonies*, vol. 6, p. 19.

“Shpallja e ungjillit është e vetmja mënyrë që Perëndia mund të përfshijë qëniet njerëzore si instrumentet e Tij për shpëtimin e shpirtave. Ndërsa burrat, gratë dhe fëmijët shpallin ungjillin, Zoti do të hapë sytë e të verbërve që ata të shohin statutet e Tij, dhe do të shkruajë mbi zemrat e të penduarve të sinqertë ligjin e Tij. Fryma e gjallë e Perëndisë, duke vepruar nëpërmjet njerëzve, do të shkaktojë që besimtarët të jenë me një mendje, një shpirt, duke e dashur Perëndinë bashkarisht dhe duke zbatuar urdhërimet e Tij – duke i përgatitur për ndryshim.”—*The SDA Bible Commentary* [E. G. White Comments], vol. 7, p. 984.

***E Martë, 19 Janar***

### **3. KRIJUESI I PËRJETSHËM**

**a. Çfarë kishte Jezusi në krijimin e kësaj bote?** Gjoni 1:1–4.

“Nëse Krishti i krijoi të gjitha gjërat, atëherë Ai ekzistonte para gjithçkaje. Fjalët e folura përsa i përket kësaj teme janë kaq të vendosura saqë askush nuk ka pse të dyshojë. Krishti ishte Perëndi. Ai ishte që nga nga përjetësia me Perëndisë, Perëndi mbi të gjithë, i bekuar përgjithmonë.

“Jezus Krishti, Biri hyjnor i Perëndisë, ekzistonte që nga përjetësia, një person i veçantë dhe megjithatë një me Atin. Ai ishte lavdia gjithëpërfshirëse e qiellit. Ai ishte komandanti qënieve qiellore, dhe adhurimi i ëngjëjve pranohej prej Tij si një e drejtë. Kjo nuk ishte vjedhje ndaj Perëndisë.”—*Lift Him Up*, p. 16.

**b. Çfarë është shkruar për para-ekzistencën e Jezusit?** Mikea 5:2; Gjoni 17:5..

“Krishti është i përjetshmi i pavarur Bir i Perëndisë... Duke folur për ekzistencën e Tij, Krishti të çon pas në epoka të padatuara. Ai na siguron që nuk ka pasur kurrë një kohë që nuk ka qenë pa bashkësinë me Perëndinë e përjetshëm.”—*Evangelism*, p. 615.

“Krishti ishte i njëjtë me Perëndinë, i pakufijshëm dhe i plotfuqishëm... Ai është i përjetshmi Bir.” - Ibid.

“Krishti që krijoi botën dhe gjithçka në të, është jeta dhe drita e çdo qenie të gjallë.”—*Testimonies*, vol. 6, p. 182.

**c. Çfarë do të ishte përgjigja jonë kur konsiderojmë përlujten e madhe të Krishtit, Krijuesit tonë, për të mirën tonë?** Efesianëve 3:8-12; Romakëve 5:8-11.

“Krishti krijoi qeniet njerëzore, dhe pastaj, nëpërmjet një jete vuajtje dhe përlujeje si edhe të një vdekje në agoni dhe në turp, i çliroi nga mëkati. O mëkatar, Krishti duroi gjithçka për ty. Ai vdiq që të shikosh thellësinë e mëkatit dhe duke ardhur tek Ai të kesh jetë të përjetshme.”—*The Review and Herald*, February 12, 1901.

“Gjithçka të bukur dhe të dobishme në botën tonë ia detyrojmë mëshirës së Krishtit.”—Ibid., October 16, 1883.

***E Mërkurë, 20 Janar***

#### **4. NJË SHFAQJE NJERËZORE E PERËNDISË**

##### **a. Përshkruani mrekullinë më të madhe që ka ndodhur në histori.**

Gjoni 1:14; Filipianëve 2:6–8.

“Krijuesi i universit, Ai që në të Cilin banonte plotësia e Perëndisë trupërisht, u shfaq si një foshnje e pafuqishme në një grazhd. Shumë më i lartë se ëngjëjt, i barabartë me Atin në dinjitet dhe lavdi, dhe gjithsesi veshi rrobën e njerëzimit! Të qenët hyjnor dhe njerëzor u kombinuan në mënyrë misterioze, dhe njeriu dhe Perëndia u bënë një.”—*The SDA Bible Commentary* [E. G. White Comments], vol. 5, p. 1130.

“Krishti nuk bëri gjoja sikur mori natyrën njerëzore; Ai u bë vërtet njeri. Në realitet ai e zotëronte natyrën njerëzore.” —*Lift Him Up*, p. 74.

“Jezusi ishte Komandanti i qiellit, i njëjtë me Perëndinë, dhe megjithatë me vullnet të plotë la mënjanë kurorën e Tij mbretërore, mantelin e tij mbretëror, dhe e veshi lavdinë e Tij me trup njerëzor. Mishërimi i Krishtit në trup njerëzor është një mister... . Birit të Perëndisë i duhej të bëhej njeri si gjithë të tjerët në të gjitha aspektet. Ai nuk duhet të kishte një bukuri që ta dallonte nga të tjerët. Nuk duhet të zotëronte asgjë që t'i tërhiqte të tjerët tek vetja.”—*The SDA Bible Commentary* [E. G. White Comments], vol. 5, pp. 1130, 1131.

##### **b. Çfarë e motivi Perëndinë të dërgonte Birin e Tij të shpëtonte botën? Gjoni 3:16, 17; 1 Gjonit 4:10.**

“Zemra e Perëndisë vigjëlon mbi bijtë e tij tokësorë me një dashuri më të fortë se vdekja. Duke dhënë Birin e Tij, ai derdhi gjithë qiellin në një dhuratë. Jeta, vdekja dhe ndërmjetësimi, shërbesa e ëngjëjve, përgjërimi i Frymës, Ati duke punuar në dhe nëpërmjet gjithçkaje, interesi i pashtershëm i qënieve qiellore – që të gjithë janë në gatishmëri për çlirimin e njeriut.”—*Steps to Christ*, p. 21.

“Perëndia nuk mund të shprehë dashuri më të madhe sesa shprehu në dhënien e Birit të Vetëm për botën. Kjo dhuratë iu dha njeriut për ta bindur që Perëndia nuk ka lënë gjë pa kryer nga ato që duheshin kryer, që asgjë nuk është mbajtur pa u dhënë, por që i gjithë qielli u derdh në një dhuratë të vetme. Lumturia e tanishme dhe e ardhme përbëhet nga të pranuarit e dashurisë së Perëndisë, dhe në zbatimin e urdhërimeve të Perëndisë.”—*Lift Him Up*, p. 232.

## ***E Enjte, 21 Janar***

### **5. MISHËRIMI**

**a. Çfarë thotë bibla për hyjninë e Jezusit kur u bë njeri?** Mateu 1:23; Romakëve 9:5; Titi 2:13; 1 Gjonit 5:20.

“Krishti nuk ndaloi së qëni Perëndi kur u bë njeri. Megjithëse e përuli Vetën ndaj njerëzimit, hyjnia ende zotërohej prej Tij. Vetëm Krishti mund t’ia prezantonte Atin njerëzimit, dhe këtë prezantim dishepujt patën privilegjin ta vështronin përgjatë 3 vjetëve...

“Vepra e Krishtit dëshmoi për hyjninë e Tij. Përmes Tij u zbulua Ati.

“Nëse dishepujt do ta kishin besuar këtë lidhje jetësore midis Atit dhe Birit, besimi i tyre nuk do t’i harronte kur panë vuajtjet dhe vdekjen e Krishtit për të shpëtuar botën e humbur. Krishti kërkonte që t’i çonte nga gjendja e tyre besimpakë tek përvoja që do të merrnin nëse do ta kuptonin që Ai ishte Perëndia në trup njerëzor. Ai dëshironte që ata të kuptonin që besimi i tyre duhet t’i drejtonte tek Perëndia, dhe të ankoroheshin aty. Sa me zell dhe me këmbngulje u mundua Shpëtimtari ynë që t’i përgatiste dishepujt për stuhinë e tundimit që së shpejti do të vinte mbi ta.”—*The Desire of Ages*, pp. 663, 664.

**b. Si merr fuqi ungjilli nëpërmjet mishërimit?** Kolosianëve 1:27, 28; 2:6–10; Hebrenjve 2:9–11.

“Shpëtimtari erdhi në botë për të shfaqur lavdinë e Perëndisë, që njeriu të ngrihej me anë të fuqisë së tij shpëtuese. Perëndia u shfaq në Të që Ai të shfaqej tek ata. Ana njerëzore që Ai zotëroi mund të zotërohet edhe nga ndjekësit e Tij, nëse ata do të jenë të nënshtruar ndaj Perëndisë ashtu si Ai”—*Ibid.*, p. 664.

## ***E Premte, 22 Janar***

### **PYETJE PËR ANALIZË PERSONALE**

- a. Çfarë misteri u mbajt në fshehtësi që nga fillimi i botës?
- b. Çfarë i dha botës Perëndia kur dërgoi Birin e Tij?
- c. Për çfarë qëllimi hyjnia dhe të qënit njeriu u gërshetuan në Jezusin?
- d. Si mund të përfitojmë nga dhurata e Perëndisë si individë?
- e. Përshkruaj ata që do të përgatiten të takojnë Jezusin në ardhjen e Tij.

**Mësimi 5, E Shtunë, 30 Janar, 2010**

## **“KRISHTI NË JU, SHPRESË LAVDIE”**

“Tek shenjtorët Perëndia do të bëjë të njohur pasuritë e lavdisë së këtij misteri midis johebrenjve, që është Krishti në ju, shpresë lavdie” (Kolosianëve 1:27)

“Kur mëkatari ka një pamje të bukurisë së pamatshme të Jezusit, mëkati nuk do t’i duket më tërheqës.”—*Reflecting Christ*, p. 76.

**Lexim i sugjeruar:** *The Desire of Ages*, pp. 439, 674–678.

**E Djelë, 24 Janar**

### **1. KRISHTI NË JU**

**a. Çfarë mrekullie, që nxirret nga ungjilli, quhet një mister?** Marku 4:3, 8, 11; Gjoni 1:12, 13; 3:3–8; 2:20.

“Nëpërmjet fuqisë së Krishtit, burra dhe gra kanë thyer zinxhirët e zakoneve mëkatore. Ata e kanë braktisur egoizmin. Profani bëhet i përlulur, i dehuri esëll, imorali i pastër. Shpirtrat që kanë lindur sipas imazhit të Satanit transformohen sipas imazhit të Perëndisë. Ky ndryshim në vetvete është mrekulli e mrekullive.”—*The Acts of the Apostles*, p. 476.

“Ndërsa vullneti i njeriut bashkëpunon me vullnetin e Perëndisë, bëhet i fuqishëm. Çfarëdo që është për t’u bërë sipas urdhërit të Tij mund të përmbushet në fuqinë e Tij. Të gjitha urdhërat e Tij janë të mundshme.”—*Christ’s Object Lessons*, p. 333.

**b. Çfarë përvoje duhet të kemi që të kemi fuqinë e Perëndisë të demonstrohet në jetët tona?** 2 Korintasve 5:17; 13:4.

“Kur ata që rrëfejnë t’i shërbejnë Perëndisë ndjekin shembullin e Krishtit, duke praktikuar parimet e ligjit në jetën e përditshme, kur çdo vepër dëshmon që ata e duan Perëndinë mbi gjithçka dhe fqinjën si veten e tyre, atëherë kisha do të ketë fuqinë të lëvizë botën.”—*Ibid.*, p. 340.

**E Hënë, 25 Janar**

## **2. DUKE THËNË DREJT FJALËN E SË VËRTETËS**

**a. Për çfarë duhet të luftojmë dhe të lutemi frymërisht?** 1 Timoteut 4:16; 2 Timoteut 2:15; 1 Gjonit 2:5, 6.

“Krishti u gëzua që mundi të bënte më shumë sesa e imagjinonin për ndjekësit e Tij. Ai foli me siguri, duke ditur që një dekret i fuqishëm ishte dhënë para se bota të krijohet. Ai e dinte që e vërteta, e armatosur me pushtetin e Frymës së Shenjtë, do të fitonte në betejën me të keqen, dhe që flamuri i gjakosur do të valvitej trumfator mbi ndjekësit e Tij. Ai e dinte që jeta e dishepujve të besuar do të ishte si e Tij, një seri fitoresh të njëpasnjëshme, të papërjetuara deri atëherë, por të spikatura si të tilla në të ardhmen.”—*The Desire of Ages*, p. 679.

**b. Çfarë paralajmërimi u dha Krishti njerëzve që besonin gjatë ditëve të Tij? Çfarë dështuan të shikonin në studimin e Shkrimeve?** Marku 12:24.

“Saducenjët mburreshin se ata ishin më besnikë ndaj Shkrimeve se të gjithë të tjerët. Por Jezusi u tregoi se nuk e kishin kuptimin e vërtetë të tyre. Njohuria duhet sjellë në zemër me anë të ndriçimit të Frymës së Shenjtë. Padituria e tyre ndaj Shkrimeve dhe fuqia e Perëndisë u nxorën në pah nga Jezusi të ishin mungesa për shpërqendrimin e tyre në besim dhe errësimin të mendjes. Ata përpiqeshin të nxirnin misteret e Perëndisë brenda kufirit të llogjikës së tyre. Krishti u tha që të hanin mendjen ndaj të vërtetave të shenjta që do të zgjeronin dhe do të forconin të kuptuarin.”—*Ibid.*, pp. 605, 606.

“Mashtrimi më i madh për mendjen njerëzore gjatë ditëve të Krishtit ishte që një miratim i thjeshtë i së vërtetës përbënte drejtësinë. Në të gjithë përvojën njerëzore, një njohuri teorike ndaj së vërtetës ka provuar të jetë e pamjaftueshme për shpëtimin e shpirtave. Nuk prodhon fryte drejtësie. Një e ashtuquajtur e vërtetë teologjike shpesh shoqëron një urrejtje ndaj së vërtetës reale. Kapitujt më të errët të historisë janë rregjistrojnë krime të kryera nga fetarë fanatikë. Farisenjtë rrëfenin të ishin bij të Abrahamit, dhe mburreshin që zotëronin orakujt e Perëndisë, dhe megjithatë këto avantazhe nuk i mbronin nga egoizmi, nga dëshira për të bërë të keqen, nga lakmia për përfitim, dhe nga hipokrizia më e thellë. Ata e shikonin veten si fetarët më të mëdhenj në botë, por i ashtuquajturi përkushtim i tyre i çoi të kryqëzonin Zotin e lavdisë.”—*Ibid.*, p. 309.

***E Martë, 26 Janar***

### **3. MBAJTJA E KRYQIT**

#### **a. Çfarë duhet të bëjmë që të identifikohemi si ndjekës të Krishtit?**

Marku 8:34; 10:21.

“Të krishterët duhet të jenë të pastër në zemër dhe të saktë në sjellje. Në asnjë rast nuk duhet të kënaqen me një rrëfim bosh... Të jesh i krishterë do të thotë t'i ngjash Krishtit.”—*The Sanctified Life*, p. 79.

#### **b. Si duhet ta konsiderojmë këtë kryq në kontrast me mënyrën sesi e konsideron bota?** 1 Korintasve 1:18, 24; Galatasve 6:14.

“Skenat e Kalvarit bëjnë thirrje për një ndjenjë të thellë. Përsa i përket këtij subjekti do të justifikohesh nëse tregon entuziazëm. Mendimet dhe imagjinata jonë nuk mund ta kuptojnë kurrë sesi Krishti, kaq i përsosur, kaq i pafajshëm, të vuante një vdekje kaq mizore duke mbajtur peshën e mëkateve të botës. Soditja e thellësisë të papërshtueshme të dashurisë së Shpëtimtarit duhet të mbushë mendjen, të prekë dhe të shrkijë shpirtin, të pastrojë dhe të ripërtërijë pasionet, dhe të transformojë krejtësisht të gjithë karakterin.”—*Testimonies*, vol. 2, p. 213.

“U them ndjekësve të Krishtit, shikoni tek kryqi i Kalvarit, dhe skuquni nga turpi për idetë tuaja të i mbani si të rëndësishme. Gjithë ky poshtërim i Mbretit të qiellit ishte për njeriun fajtor dhe të dënuar. Ai pranoi çdo përbuzje derisa nuk ngeli më vend, me qëllim që ta ngrinte njeriun nga ndotja e tij morale. E gjithë kjo ishte për ju që përpiqeni për pushtet, për lëvdatën e njeriut, për lartësimin e njeriut, për të gjithë ju që keni frikë se nuk do të merrni atë respekt nga njerëzit, që në fakt është e drejta juaj. Ka të bëjë kjo me ngjashmërinë ndaj Krishtit?” - *The SDA Bible Commentary* [E.G. White Comments], vol. 5, p. 1128.

“Gjithashtu, është privilegji ynë të mburremi në kryqin, privilegj ta dorëzojmë veten plotësisht ndaj Atij që dha Vetën për ne. Pastaj me dritën e Kalvarit që ndriçon mbi fytyrat tona, të shkojmë përpara duke ia shfaqur këtë dritë atyre që janë në errësirë.”—*The Acts of the Apostles*, p. 210.

“Për Palin, kryqi ishte objekti i vetëm që meritonte vëmendje të veçantë... Nga përvoja ai e dinte që nëse një mëkatar do të vështronte dashurinë e Atit, ashtu siç pasqyrohet në sakrificën e Birit të Tij, dhe i dorëzohet ndikimit hyjnor, një ndryshim zemre do të ndodhë, dhe në vazhdim Krishti është gjithçka në të gjithë.”—*Ibid.*, p. 245.

**E Mërkurë, 27 Janar**

#### **4. NJË NDRYSHIM I DUKSHËM**

**a. Kur pranojmë ungjilli, çfarë ndryshimi pritet të kemi?** Romakëve 12:2; Efesianëve 4:21–28.

“Një bashkësi me Krishtin nëpërmjet besimit të gjallë është jetëgjatë. Çdo bashkësi tjetër duhet të humbasë. Krishti na zgjodhi i pari, duke paguar një çmim të madh për çlirimin tonë dhe nga ana tjetër besimtari zgjedh Krishtin si të Parin dhe të Fundit, si zgjedhjen më të mirë në gjithçka. Por kjo bashkësi na kushton diçka. Është një lidhje nështrimi i plotë që duhet të hyjë në një qenie krenare. Të gjithë ata që e formojnë këtë lidhje duhet të ndjejnë nevojën për gjakun çlirues të Krishtit. Ata duhet të kenë një ndryshim zemre. Ata duhet ta nënshtrojnë vullnetin e tyre ndaj vullnetit të Perëndisë. Do të ketë një përleshje me pengesat e jashtme dhe të brendshme. Duhet të ketë një punë të dhimbshme ndarjeje, si dhe bashkimi. Krenaria, egoizmi, kotësia, të qënët sipas botës – mëkate të të gjitha formave – duhet të mposhten, nëse duam të hyjmë në përbashkësi me Krishtin. Arsyeja pse shumë e shohim jetën e krishterë si të vështirë, pse kanë kaq dymendësi, është se ata përpiqen të bashkohen me Krishtin pa e ndarë veten nga këta idhuj të kotë.”—*Messages to Young People*, p. 118.

“Perëndia na ka dhënë parimet e Tij të shenjta, sepse Ai e do njerëzimin. Për të na mbrojtur nga pasojat e paudhësisë, Ai na zbulon parimet e drejtësisë. Ligji është një shprehje e mendimit të Perëndisë. Kur pranohet në Krishtin, bëhet mendimi ynë. Ai na ngre mbi fuqinë e dëshirave dhe tendencave të natyrshme, përmbi tundimet që na drejojnë në mëkat. Perëndia dëshiron të jemi të lumtur, dhe na ka dhënë parimet e ligjit që duke iu bindur atyre të kemi gëzim.”—*The Desire of Ages*, p. 308.

**b. Si përshkruhet ky ndryshim i plotë i mendjes?** Ezekieli 36:26; 1 Korintasve 2:16.

“Ndërsa mëkatari, i tërhequr me anë të fuqisë së Krishtit, i afrohet kryqit, dhe e përul veten para tij, një natyrë e re shfaqet. Një zemër e re i dhurohet dhe ai bëhet krijesë e re në Krishtin Jezus.”—*Christ’s Object Lessons*, p. 163.

“Bindja e vërtetë vjen nga zemra. Është një kultivim zemre me Krishtin. Nëse e pranojmë, Ai do ta identifikojë Vetën me mendimet dhe qëllimet tona, që zemrat dhe mendjet tona të shkrihen sipas vullnetit të Tij, që duke iu bindur Atij të përcjellim dëshirat tona. Vullneti, i pastruar dhe i shenjtëruar, do ta gjejë kënaqësinë në kryerjen e shërbimit ndaj Tij.”—*The Desire of Ages*, p. 668.

## ***E Enjte, 28 Janar***

### **5. MENDJA E KRISHTIT NË NE**

**a. Kush do të jetë prova nëse e kemi apo jo mendjen e Krishtit?** Romakëve 12:10, 14–16; Filipianëve 2:2–5; Gjoni 13:34, 35.

“Kur të shikojmë Jezusin, Njeriun e Dhimbjeve, duke shpëtuar të humburit, të përbuzur, të talluar, duke shkuar qytet më qytet derisa misioni i Tij të përmbushet; kur ta shikojmë në Gjetsemani, me djersët të kthyer në pika gjaku, dhe në kryq duke vdekur në agoni – kur të shikojmë këto gjëra, vetja nuk do të ngrejë më zërin për t’u dëgjuar. Duke parë tek Jezusi, do të turpërohemi për ftohtësinë tonë, për përgjumjen dhe për interesat tona egoiste. Duhet të vendosim të jemi diçka ose asgjë, që të bëjmë me gjithë zemër shërbimin tonë ndaj Mjeshtrit.”—*The Desire of Ages*, pp. 439, 440.

“Nëpërmjet kthimit në besim dhe transformimit, njerëzit marrin mendjen e Krishtit. Që të gjithë janë të detyruar të qëndrojnë para Perëndisë me një besim individual, me një përvojë individuale, duke e ditur vetë që Krishti është i formuar përbrenda, si Shpresa e lavdisë.”—*Reflecting Christ*, p. 35.

**b. Çfarë mund të bëjmë me fuqinë tonë? Gjoni 15:5. Kush është e vetmja fuqi që mund të kryejë një ndryshim të plotë? Gjoni 6:63; Galatasve 5:22–25; 2 Pjetrit 1:2–4.**

“Nuk është vetëm privilegj, por gjithashtu edhe një detyrë për një të krishterë të ruajë një marrëdhënie të ngushtë me Krishtin dhe të ketë një përvojë të pasur në gjërat e Perëndisë. Atëherë jeta e Tij do të jetë e frytshme në vepra të mira.”—*The Sanctified Life*, p. 83.

## ***E Premte, 29 Janar***

### **PYETJE PËR ANALIZË PERSONALE**

- a. Çfarë mundësish vihen në dispozicion për dikë që ka vërtet Krishtin në zemër?
- b. Çfarë do të thotë të kesh mendjen e Krishtit?
- c. Si mundet një i krishterë të ketë një fitore të vërtetë?
- d. Ndërsa meditojmë sakrificën e Kalvarit, në çfarë sakrificash na paraqet që t’i pranojmë?
- e. Çfarë lloj fruti është rezultati i të përjetuarit me të vërtetë të lindjes së re?

**Mësimi 6, E Shtunë, 6 Shkurt, 2010**

## **Rrugës për në gjykim**

**“Është e caktuar që njerëzit të vdesin vetëm një herë, dhe pas kësaj të vijojë gjykimi”.** (Hebrenjtë 9:27).

“Satani shpik skema të panumërta për të mbushur mendjen tonë, që të mos banojmë mbi veprën të cilën duhet ta njohim shumë mirë. Kryemashtruesi i urren të vërtetat e mëdha që nxjerrin në pah një sakrificë shlyese dhe një ndërmjetësues të gjithëpushtetshëm. Ai e di që gjithçka varet nga shpërqendrimi i mendjeve nga Jezusi dhe e vërteta e Tij.” —*The Great Controversy*, p. 488.

**Lexim i sugjeruar:** *The Great Controversy*, pp. 479–491.

***E Djelë, 31 Janar***

### **1. E VËRTETA SPECIFIKE**

**a. Cila është mbrojtja jonë kundër mësuesve të rremë?** 2 Timoteut 3:16.

“Njerëzit e Perëndisë drejtohen tek Shkrimi si mbrojtja kundër ndikimit të mësuesve të rremë dhe pushtetit mashtrues të frymërave të errëta. Satani prodhon çdo mjet të mundshëm për të ndaluar njerëzit të marrim njohurinë biblike, sepse deklaratat e saj të qarta zbulojnë mashtrimet e tij... . Mashtrimi i fundit pritet së shpejti të shpalojë para nesh. Antikrishti do të demonstrojë veprat e tij të fuqishme para nesh. Kaq afër do t'i shëmbëllezë gënjeshtër të vërtetës sa që do të jetë e pamundur të bësh dallimin midis tyre veçse nëpërmjet Shkrimit të Shenjtë.”—*Ibid.*, p. 593.

**b. Çfarë vargësh të Shkrimit janë të rëndësishme sidomos për kohën e sotme?**

2 Peter 1:12, 13.

“Ka pasur dikur një të vërtetë specifike – një të vërtetë për një kohë të një rëndësie të veçantë – në ditët e Krishtit, të Palit, dhe të Luterit. Ka edhe një të vërtetë specifike për kishën sot.”—*The Signs of the Times*, June 21, 1883.

“Shpirtra të çmuar janë duke vuajtur dhe vdekur për të vërtetën specifike, ushqimin në kohën e duhur.” —*The Present Truth*, September 1, 1849.

## ***E Hënë, 1 Shkurt***

### **2. DUKE DREJTUAR SYTË TEK JEZUSI**

#### **a. Me qëllim të përsosemi, çfarë duhet të bëjmë vazhdimisht?**

2 Korintasve 3:18; Hebrenjtë 12:2.

“Nëpërmjet njohjes dhe shoqërimit me Krishtin mund të bëhemi si Ai, sipas Shembullit të patëmetë.” —*Testimonies*, vol. 5, pp. 222, 223.

“Është Fryma e Shenjtë, për të Cilin Jezusi tha se do ta dërgonte në botë, që ndryshon karakterin tonë sipas imazhit të Krishtit dhe kur të realizohet, do të reflektojmë si në pasqyrë lavdinë e Zotit. Pra, karakteri i atij që shikon Krishtin është kaq i ngjashëm me të, sa që kur dikush e vështron shikon karakterin e vetë Krishtit duke rrezatuar si nga një pasqyrë. Edhe pa e kuptuar, ne ndryshohemi dita ditës prej vullnetit dhe rrugëve tona në vullnetin dhe rrugët e Krishtit, në dashamirësinë e karakterit të Tij. Duke u rritur në Krishtin, pa e vënë re reflektojmë imazhin e Tij.”—*In Heavenly Places*, p. 337.

**b. Ku dhe si duhet ta vështrojmë vazhdimisht Jezusin?** Gjoni 5:39; Hebrenjtë 1:2, 3; 3:1.

“Asnjë burrë, apo grua, apo i ri nuk mund të shkojë drejt përsosjes së krishterë duke refuzuar studimin e Fjalës së Perëndisë. Duke studiuar me kujdes Fjalën e Tij do t’i bindemi urdhërit të Krishtit, “*Kërkoni Shkrimet, sepse mendoni se nëpërmjet tyre keni jetë të përjetshme, dhe megjithatë ato dëshmojnë për Mua*” (Gjoni 5:39). Ky studim e aftëson studentin të vëzhgojë më nga afër modelin hyjnor, sepse ato dëshmojnë për Krishtin. Modeli duhet të vëzhgohet vazhdimisht që të imitohet. Kur dikush njihet me historinë e Çlirimitarit, zbulon në vetvete të meta në karakter. Pangjashmëria e tij është kaq e madhe sa që ai e kupton se nuk mund të jetë një ndjekës pa një ndryshim shumë të madh në jetën e tij. Gjithsesi, ai vazhdon studimin, me një dëshirë për t’i ngjarë Shembullit të tij të madh. Ai mësohet me shikimin, shpirtin e Mjeshtrit të tij të dashur dhe duke e vështruar ndryshohet. “*Duke i drejtuar sytë tek Jezusi, kreu dhe plotësonjësi i besimit tonë... “ (Hebrews 12:2).”* —*Counsels on Sabbath School Work*, p. 17.

“Drejtoji sytë tek Kalvari, dhe ndërsa shikon Krishtin duke ofruar jetën e çmuar për ty, që të kesh mundësinë të formosh një karakter për jetën e përjetshme. Pyet veten, “*Si mund ta shfrytëzosh kohën që më ka dhënë Perëndia për një çmim të përjetshëm?*” —*The Review and Herald*, October 27, 1896.

## ***E Martë, 2 Shkurt***

### **3. GJYKIMI I VEPRAVE TONA**

**a. Me çfarë dhe me cilin do të përballet pa përjashtim çdo individ?** Hebrenjtë 9:27; Romakëve 14:12.

“Ata që duan të ndajnë përfitimet e meditimit të Shpëtimtarit nuk duhet të lejojnë asgjë që t'i ndërpresë në detyrën e tyre për të përsosur shenjtërinë në frikën e Perëndisë. Orët e çmuara, në vend që të shpenzohen për kënaqësi ose për përfitim personal, duhet të përkushtohen për një studim lutës dhe të zellshëm të Fjalës. Subjekti i shenjtërores dhe e gjykimit duhet të kuptohet qartë nga njerëzit e Perëndisë. Të gjithë kanë nevojë të dinë rreth pozitës dhe veprës së Kryepriftit të tyre të madh. Ndryshe do të jetë e pamundur që ata të ushtrojnë besimin, i cili është thelbësor në këtë kohë, ose të zënë vendin që Perëndia ka zgjedhur për ta. Çdo individ ka një shpirt për ta shpëtuar ose humbur. Gjithsecili ka një çështje që pritet të zgjidhet në banakun e Perëndisë. Secilit i duhet të takojë ballë për ballë Gjykatësin e madh. Sa e rëndësishme është, që shpesh të sjellim ndërmend skenën solemne kur gjykimi do të kryehet dhe librat do të hapen”—*The Great Controversy*, p. 488.

**b. Meqë secili prej nesh do të përballet me gjykimin, nga çfarë duhet të kujdesemi, dhe si duhet të jetojmë duke pasur parasysh atë ditë madhështore?** Predikuesi 12:13, 14; 11:9.

“Nuk duhet të mposhtemi të futim diçka në gojë që do ta çojë trupin tonë në një gjendje të pashëndetshme, pavarësisht nëse e pëlqejmë. Pse? Sepse jemi pronësia e Perëndisë. Ti ke një kurorë dhe një qiell për të fituar, dhe një ferr për të shmangur. Atëherë për hir të Krishtit po ju pyes, “Do ta keni dritën përpara jush kaq qartë dhe pastaj ta braktisni duke thënë ‘Dua këtë, dhe dua atë’” - *Counsels on Diet and Foods*, p. 328.

“Ka shumë të folur të pakujdesshme, kritika të padrejta, fajësime në familjet që rrëfejnë se e duan dhe i shërbejnë Perëndisë. Fjalët e pakëndshme, mosnënshtrimi dhe mosrespekti në familje i bëjnë ëngjëjt të qajnë. Sa gjëra rregjistrohen në librat e qiellit për vështrimet dhe fjalët e pasjellshme që kafshojnë dhe pickojnë si nëpërka! Dhe ky nuk është një rregjistrim i thjeshtë një viti, por i përditshëm. Oh, sikur këto familje të merrnin parasysh që ëngjëjt e Perëndisë nxjerrin fotografi personazhe të ndryshme po aq qartë sa një artist merr imazhet e një njeriu, dhe prej këtu fillon gjykimi ynë!”—*The Review and Herald*, February 2, 1886.

## ***E Mërkurë, 3 Shkurt***

### **4. TË GJYKUAR PREJ LIGJIT**

#### **a. Cili është standarti i gjykimit? Jakobi 2:12.**

“I vetmi kusht që liria e një njeriu të bëhet e mundur është të bëhet një me Krishtin. “*E vërteta do t’ju bëjë të lirë*” (Gjoni 8:32), dhe Krishti është e vërteta. Mëkati mund të triumfojë vetëm po të dobësojë mendjen dhe duke shkatërruar lirinë e shpirtit. Nënshtrimi ndaj Perëndisë është restaurimi i vetes – për tek lavdia dhe dinjiteti i njeriut. Ligji hyjnor, ndaj të cilit jemi të nënshtruar, është “ligji i lirisë” (Jakobi 2:12).”—*The Desire of Ages*, p. 466.

#### **b. Cili ligj është ligji i lirisë? Po të krishterët e Besëlidhjes së Re do të gjykojnë nga ky ligj? Jakobi 2:11 (Eksodi 20:13, 14); 2 Korintasve 5:10.**

“Nga ëngjëlli i parë, njerëzve u bëhet thirrje të “*të kenë frikë Perëndinë dhe t’i japin lavdi*”, ta adhurojnë Atë si Krijuesi i qiejve dhe i tokës. Për ta bërë këtë ata duhet t’i binden ligjit të Tij. Kështu thotë njeriu i zgjuar: “*Kini frikë Zotin, dhe mbani urdhërimet e Tij, sepse kjo është tërësia e njeriut*” (Predikuesi 12:13) Pa bindjen ndaj urdhërimeve të Tij asnjë urdhërim nuk mund t’i pëlqejë Perëndisë. “*Ai që e kthen veshin nga dëgjimi i ligjit, edhe lutja e Tij do të jetë diçka e neveritshme* (1 Gjonit 5:3; Fjalët e Urta 28:9).”—*The Great Controversy*, p. 436.

#### **c. Meqë jeta jonë do të shkojë në gjykim (Romakëve 14:10), çfarë pyetjeje duhet t’i japim prioritet? (Gjoni 8:31, 32; 14:15; 15:7, 14.)**

“Nuk duhet ta lejojmë vëmendjen tonë të devijojë nga shpallja e ungjillit që na është dhënë. Prej vitesh kam mësuar që të mos u kushtojmë vëmendje pyetjeve jothelbësore. Nuk jemi të detyruar të hyjmë në diskutim përsa u përket temave të parëndësishme. Puna jonë është të drejtojmë mendjet tek parimet e mëdha të ligjit të Perëndisë.

“E vetmja pyetje në gjykim do të jetë, “*Janë të bindur ndaj urdhërimeve të mia?*” Grindjet dhe zënkat e vogla për pyetjet e parëndësishme është një edukim që njerëzit tanë nuk kanë nevojë.”—*West Indian Messenger*, July 1, 1912.

## ***E Enjte, 4 Shkurt***

### **5. RROBAT E PASTRA**

**a. Çfarë paralajmërimi meriton vëmendjen tonë të vazhdueshme?** Jeremia 17:9; 1 Korintasve 10:12; Jakobi 4:7; 1 Pjetrit 5:6–9.

“Shumë njerëz gënjehen rreth pikëpamjes që kanë për zemrat e tyre. Nuk e kuptojnë që zemra natyrore është mashtruese mbi të gjitha gjërat, dhe jashtëzakonisht e keqe. E mbështjellin veten me drejtësinë e tyre, dhe kënaqen duke arritur standartin e tyre nejrëzor, por sa rëndë rrëzohen kur nuk arrijnë standartin hyjnor dhe nga vetja nuk mund të arrijnë kërkesat e Perëndisë.

“Mund ta masim veten me vetveten, mund ta krahasojmë veten me njëri-tjetrin, mund të themi që e bëjmë mirë atë apo atë gjë, por pyetja e cila do të ngrihet në gjykim është, “*E kemi arritur standartin hyjnor? Janë zemrat tonë në harmoni me Perëndinë e qiellit?*” —*Selected Messages*, bk. 1, pp. 320, 321.

**b. Çfarë mund të deklarojmë me siguri pasi kemi korrur fitoren e fundit?** Mateu 24:13. **Jepni një shembull.** 2 Timoteut 4:7, 8.

“Ata që jetojnë në tokë kur ndërmjetësimi i Krishtit do të reshtë në shenjtëroren qiellore, do të qëndrojnë para Perëndisë së shenjtë pa ndërmjetës. Rrobat e tyre duhet të jenë të pastra, karakteret e tyre duhet të pastrohen nga mëkati me anë të spërkatjes së gjakut. Përmes hirit të Perëndisë ata duhet të jenë fitimtarë në betejën me të keqen.”—*The Great Controversy*, p. 425.

“Kur konflikti i jetës të marrë fund, kur armatura të lëshohet tek këmbët e Jezusit, kur shenjtorët e Jezusit të përlëvdohen, atëherë dhe vetëm atëherë mund të themi që jemi të shpëtuar dhe të pamëkatë.”—*Selected Messages*, bk. 3, p. 356.

## ***E Premte, 5 Shkurt***

### **PYETJE PËR ANALIZË PERSONALE**

- a. Çfarë pjesësh nga Shkrimi janë të rëndësishme për kohën që jetojmë?
- b. Si mund të shikojmë tek Jezusi që nuk është i pranishëm si person me ne?
- c. Në dritën e gjykimit që po vjen, si duhet të jetojmë?
- d. Cili ligj është baza në të cilin karakteri ynë do të gjykohet?
- e. Shpjegoni Mateun 24:13.

**Mësimi 7, E Shtunë, 13 Shkurt, 2010**

## **Pastrimi i mëkateve**

*“Unë, pikërisht Unë, jam Ai që pastron paudhësitë e tua për hir të Emrit Tim, dhe nuk do t’i kujtoj më mëkatet e tua” (Isaiah 43:25).*

“Ndërsa njerëzit banojnë në tokë, vepra e gjykimit do të ndodhë në oborret qiellore. Jeta e të gjithë ndjekësve të Tij do të kalojë para Perëndisë. Të gjithë do të analizohen sipas librave qiellorë, dhe sipas veprave të tij do të caktohet dhe fati i gjithësecilit.”—*Christ’s Object Lessons*, p. 310.

**Lexim i sugjeruar:** *Early Writings*, pp. 54–56;  
*Testimonies*, vol. 4, pp. 384–387.

### ***E Djelë, 7 Shkurt***

#### **1. GJYKIMI ANALIZUES**

**a. Çfarë profecie rregjistron fillimin e gjykimit në prani të të Lashtit të Ditëve?** Danieli 7:9, 10; Psalmi 11:4.

“Dita e madhe e ekzekutimit të gjykimit të Perëndisë erdhi. Mijëra dhe mijëra u mblodhën para fronit të madh, në të cilin rrinte ulur një person me një pamje madhështore. Disa libra ishin para Tij, dhe mbi kopertinën e secilit libër ishte shkruar me të arta, me shëmbëllimin e një zjarri që digjej, “*Libri i llogarive në qiell*.” Një nga këta libra, që mbante emrat e atyre që deklarorin se e njihnin të vërtetën, u hap.” —*Testimonies*, vol. 4, p. 384.

**b. Kush do të jetë Avokati në këtë gjykim?** Danieli 7:13; Malakia 3:1; 1 Gjonit 2:1.

“Ardhja e Krishtit si kryepriifti ynë në vendin shumë të shenjtë, për pastrimin e shenjtërores, parë tek Danieli 8:14; ardhja e Birit të Njeriut tek I Lashti i Ditëve, siç pëshkruhet tek Danieli 7:13; ardhja e Zotit tek tempulli i Tij, parathënë nga Malakia, janë përshkrime të të njëjtës ngjarjeje.”—*The Great Controversy*, p. 426.

## **E Hënë, 8 Shkurt**

### **2. MARTESA SIMBOLIKE**

**a. Çfarë shëmbëlltyre tjetër pasqyron që një gjykim ndodh para ardhjes së dytë të Krishtit, dhe pse?** Mateu 22:1–14; Zbulesa 11:18.

“Analiza e miqve në festë nga mbreti prezanton një vepër gjykimi. Miqtë në festën e ungjillit janë ata që rrëfejnë se i shërbejnë Perëndisë, emri i të cilëve është is shkruar në librin e jetës.”—*Christ’s Object Lessons*, p. 310.

“Para se të fillojë dasma, mbreti vjen për të parë miqtë, për të parë nëse të gjithë kanë rrobën e dasmës, rrobën e panjollë të karakterit larë dhe bërë të bardhë në gjakun e Qengjit... . Kjo analizë e karakterit, e të përcaktuarit se kush janë të përgatitur për mbretërinë e Perëndisë, është vepër e gjyqimit analizues, vepra pëmbushëse e shenjtërores qiellore.” - *The Great Controversy*, p. 428.

**b. Pas gjyqimit tek Danieli 7:10, çfarë do të marrë Krishti?** Danieli 7:14.

“Në shëmbëlltyrën e Mateut 25 ata që kishin vaj në llambat e tyre shkuan në dasmë... . Dhe të gjithë ata që përmes dëshmisë së Shkrimeve pranojnë të njëjtat të vërteta përsa i përket shenjtërores në qiell dhe ndryshimit të Krishtit në shërbesë, duke ndjekur Krishtin me besim ndërsa Ai hyn brenda të kryejë veprën e fundit të ndërmjetësimit para Perëndisë, dhe përfundimit të saj për të marrë Mbretërinë e Tij, të gjithë këta shkojnë në dasëm.”—*Ibid.*, pp. 427, 428.

**c. Ardhja e Krishtit, është para apo pas dasmës simbolike dhe marrjes së mbretërisë?** Luka 12:35, 36; 19:12.

“Deklarata, ‘Ja, Dhëndrri po vjen’, në verë të vitit 1844, nxiti mijëra njerëz të prisnin ardhjen e menjëhershme të Zotit. Në kohën e duhur Dhëndrri erdhi jo në tokë, siç prisnin njerëzit, por tek I Lashti i Ditëve në qiell, tek dasma, marrja e Mbretërisë së Tij.” ‘Ata që ishin gati shkuan me Të në martesë, dhe dera u mbyll’ (Mateu 25:10). Nuk duhet të ishin të pranishëm në dasmë, sepse ndodhte në qiell, ndërsa ata ishin në tokë. Ndjekësit e Krishtit duhet ‘të presin për Zotin, kur Ai të kthehet nga dasma’ (Luka 12:36).”—*Ibid.*, p. 427.

## ***E Martë, 9 Shkurt***

### **3. GJYKIMI PARA ARDHJES SË DYTË**

**a. Kur Krishti të kthehet në tokë, çfarë do të sjellë me Vete që paralajmëron se një gjykim do të ndodhë?** Zbulesa 22:12.

“Jo të gjithë që rrëfejnë të jenë të krishterë janë ndjekës së vërtetë. Para se të jepet shpërblimi final, duhet të vendoset se kush është i përshtatshëm të marrë pjesë në trashëgimninë e të drejtëve. Ky vendim duhet të merret para ardhjes së dytë të Krishtit mbi retë e qiellit, sepse kur Ai të vijë shpërblimi i Tij është me Të, ‘*për t’i dhënë gjithsecilit sipas veprës së tij.*’ (Zbulesa 22:12). Atëherë, para ardhjes së Tij, karakteri i çdo vepre njerëzore do të jetë analizuar, dhe gjithsecilit prej ndjekësve të Krishtit shpërblimi do t’i jetë bërë gati sipas veprave të tij.” - *Christ’s Object Lessons*, p. 310.

**b. Me cilin fillon ky gjykim?** 1 Pjetrit 4:17.

“Kur vepra analizuese të kenë përfunduar, kur çështjet, e atyre që nëpër epoka kanë rrëfyer të kenë qenë ndjekës të Krishtit, të jenë analizuar dhe vendosur, atëherë dhe vetëm atëherë, prova do të ndalojë dhe dera e mëshirës do të mbyllet. Pra, ata që ishin gati shkuan me Të në dasëm, dhe dera u mbyll. Ne po mbartemi nëpërmjet shërbesës finale të Shpëtimtarit deri në kohën kur vepra e madhe e shpëtimit të njeriut do të përmbushet.” - *The Great Controversy*, p. 428.

**c. Çfarë u hap në qiell për gjykim?** Zbulesa 11:19; Hebrenjtë 9:3, 4.

“Arka e Besëlidhjes së Perëndisë është në të shenjtin e të shenjtëve, ndarja e dytë e shenjtërores. Në shërbesën e tabernakullit tokësor, i cili prezantonte ‘*shembullin dhe hijen e gjërave qiellore,*’ kjo banesë hapej vetëm për Ditën e Shlyerjes për pastrimin e shenjtërores. Prandaj u lajmërua që tempulli i Perëndisë u hap në qiell dhe arka e Besëlidhjes u pa të hynte në vendin shumë të shenjtë në shenjtëroren qiellore më 1844, ndërsa Krishti hyri atje të kryente veprën përmbushëse të shlyerjes.”—*Ibid.*, p. 433.

## ***E Mërkurë, 10 Shkurt***

### **4. VENDI SHUMË I SHENJTË**

**a. Si hedh dritë Besëlidhja e Vjetër në shenjtëroren qiellore treguar në Besëlidhjen e Re?** Eksodi 25:8, 9, 40; Hebrenjtë 8:1–5.

“Gjithashtu m’u tregua një shenjtërore mbi tokë që kishte dy ndarje. I shëmbëllente atij në qiell, dhe m’u tha që ishte një pasqyrim i atij qiellor. Sendet në ndarjen e parë të shenjtërores tokësore ishin si ndarja e parë e shenjtërores qiellore. Veli u ngrit dhe pashë në të shenjtin e të shenjtëve që sendet ishin të njëjta si në vendin shumë të shenjtë të shenjtërores qiellore. Çdo ditë Ai hynte në ndarjen e parë, por në vendin shumë të shenjtë vetëm një herë në vit për të pastruar mëkatet që bëheshin. Pashë Jezusin që shërbente në të dy ndarjet e shenjtërores qiellore. Priftërinjtë hynin në atë tokësor me gjakun e një kafshe si sakrificë për mëkatin. Krishti hyri një shenjtëroren qiellore me sakrificën e gjakut të Vet. Priftërinjtë tokësorë hiqeshin për shkak të vdekjes, prandaj nuk mund të vazhdonin për një kohë të gjatë, por Jezusi ishte prift përgjithmonë. Përmes sakrificave dhe ofertave të sjella në shenjtëroren tokësore, fëmijët e Izraelit duhet të shpresonin në meritat e Shpëtimtarit që do të vinte. Dhe në diturinë e Perëndisë veçantitë e kësaj pune na u dhanë që duke shikuar në to, të kuptojmë veprën e Jezusit në shenjtëroren qiellore.”—*Early Writings*, pp. 252, 253.

**b. Çfarë zbulon Besëlidhja e Vjetër për solemnitetin e momentit të shlyerjes?** Levitiku 16:17.

“Në shërbesën e shenjtërores tokësore, të cilën e kemi parë të jetë shëmbëllim i shërbesës qiellore, kur kryepriifti hynte në vendin shumë të shenjtë Ditën e Shlyerjes, shërbesa në hyrjen e parë ndalonte... . Kur Krishti hyri në të vendin shumë të shenjtë për të realizuar veprën përmbushëse të shlyerjes, i dha fund shërbesës në hyrjen e parë. Por kur shërbesa në hyrjen e parë ndaloi, shërbesa në hyrjen e dytë filloi. Kur në një shërbesë të zakonshme kryepriifti hynte në vendin shumë të shenjtë për Ditën e Shlyerjes, shkonte para Perëndisë për të paraqitur gjakun e sakrificës së mëkatit për të gjithë Izraelin që vërtet pendohej nga mëkatet. Po kështu Krishti përbushi vetëm një pjesë të veprës, për të punuar në një vepër tjetër, duke u lutur ara Atit për mëkatarët.”—*The Great Controversy*, pp. 428, 429.

## ***E Enjte, 11 Shkurt***

### **5. GJYKUAR NGA LIGJI**

**a. Çfarë është lidhja e dukshme midis Danielit 7:9, 10 dhe Zbulesës 11:19; 20:12** (Predikuesi 12:13, 14)?

“Ligji i Perëndisë në shenjtëroren qiellore është një original madhështor, parimet e të cilit u shkruan mbi rrasa guri dhe të rregjistruara nga Moisiu në 5 librat e parë të Shkrimit, ishte një kopje e pagabueshme... . Ligji i Perëndisë, duke qenë një zbulesë e vullnetit të Tij, një përshkrim i karakterit të Tij, zgjat përjetë, “*si një dëshmi besnike në qiell*” (Psalmi 89:37). Asnjë edhe një urdhërim nuk është anuluar, as edhe një gërmë nuk është ndryshuar.”—*The Great Controversy*, p. 434.

**b. Përshkruaj solemnitetin e skenës së gjykimit.** Hebrenjtë 4:13; 10:31.

“Ndërsa I Shenjti në fron kthente ngadalë fletët e librit, dhe sytë e Tij vështruan për një çast individët, shikimi i Tij dukej sikur digjte thellë në shpirtrat e tyre, dhe në atë moment çdo fjalë dhe veprim i jetës u prezantua para tyre shumë qartë... . Çdo sy ndjek me druajtje Të Shenjtin mbi fron, dhe ndërsa syri i Tij përshkon gjithë grupin, zemrat rrahin fort, sepse janë të vetëdënuara nëse nuk flitet një fjalë.”—*Testimonies*, vol. 4, p. 385.

“Duhet të jemi mirënjohës që tani në kohën e sprovës nëpërmjet mëshirës së Perëndisë jemi të lejuar të mbjellim farën për të korrat tona të ardhshme. Duhet të kemi kujdes çfarë do të jetë e korra jonë.” - *Welfare Ministry*, pp. 316, 317.

## ***E Premte, 12 Shkurt***

### **PYETJE PËR ANALIZË PERSONALE**

- a. Kush gjykohet gjatë gjykimit para ardhjes së Krishtit?
- b. Cila është arsyeja për këtë gjykim para ardhjes së dytë të Krishtit?
- c. Cila shëmbëlltyrë e përshkruan qartë veprën e gjykimit para se të ndahen shpërblimet?
- d. Çfarë mësohet nga hapja e vendit shumë të shenjtë në qiell?
- e. Çfarë Shkrimesh duhet të studjojmë që të kemi një të kuptuar të qartë për gjykimin?

**Mësimi 8, e Shtunë, 20 Shkurt, 2010**

## **Pastrimi i Shenjtërores**

*“Ishte, pra, e nevojshme që format e gjërave qiellore të pastroheshin me këto gjëra; por vetë gjerat qiellore me flijime më të mira se këto.” (Hebrenjtë 9:23).*

“Një herë në vit, në Ditën e Shlyerjes, prifti hynte në vendin shumë të shenjtë për pastrimin e shenjtërores. Vepra kryeje një herë në vit.”—*Patriarchs and Prophets*, p. 355.

**Lexim i sugjeruar:** *Patriarchs and Prophets*, pp. 343–358.

### ***E Djelë, 14 Shkurt***

#### **1. SHËRBESA VJETORE**

**a. Në shërbesën e tabernakullit tokësor, kur ndodhte analiza dhe pastrimi i mëkateve të rrëfyera të Perëndisë?** Levitiku 16:29, 30.

**b. Kur dhe sa herë shkonte kryepriifti në hyrjen e dytë të shenjtërores?** Levitiku 16:15–17, 24, 34; Hebrenjtë 9:6, 7.

“Asnjë sy njerëzor, përveç kryepriiftit, nuk duhej të shikonte pjesën e brendshme të shenjtërores. Vetëm një herë në vit prifti hynte atje, dhe kjo pas një përgatitje të kujdesshme dhe solemne. Me frikë shkonte para Perëndisë, dhe njerëzit prisnin jashtë plot qetësi dhe druajtje kthimin e tij. Zemrat e tyre kërkonin me ngulm bekimin hyjnor. Prifti bënte shlyerjen për Izraelin para fronit të hirit, dhe Perëndia takohej me të në një re lavdie. Qëndrimi i tij përtej kohës së caktuar i mbushte me frikë, se mos ishte vlarë nga lavdia e Perëndisë për mëkatet e tij apo të tyre.”—*Ibid.*, p. 352.

## ***E Hënë, 15 Shkurt***

### **2. MËKATI I SHLYER**

**a. Çfarë duhet të bënte kryeprihti pasi kryente shlyerjen finale vjetore? Levitiku 16:20–22. Çfarë do të ndodhë në fund të Ditës Përfundimtare të Shlyerjes?**

“Meqë Satani është themeluesi i mëkatit, provokatori i drejtpërdrejtë i të gjitha mëkateve që shkaktuan vdekjen e Birit të Perëndisë, drejtësia e kërkon që Satani të vuajë dënimin final. Vepra e Krishtit për çlirimin e njerëzve dhe pastrimin e universit nga mëkati do të mbyllet nga heqja e mëkatit nga shenjtërorja qiellore dhe vendsoja e tyre mbi Satanin, i cili do të mbartë dënimin final. Po kështu në shërbesën tokësore, shërbesa vjetore mbyllet me pastrimin e shenjtërores dhe rrëfimin e mëkateve mbi kokën e cjamin.”—*Patriarchs and Prophets*, p. 358.

**b. Përsa i përket mëkateve të njerëzve, cili është ndryshimi kryesor midis shërbesës së përditshme dhe asaj vjetore? Levitiku 4:20; 16:30. Çfarë simbolizon shlyerja vjetore, dhe si duhet të ndikojë në qëndrimin tonë ndaj Fjalës së Perëndisë?**

“Në shërbimin e tabernakullit dhe të tempullit që zuri vend më vonë, njerëzit mësoheshin çdo ditë rreth të vërtetave të mëdha për vdekjen dhe shërbimin e Krishtit, dhe një herë në vit ata sillnin në kujtesë ngjarjet finale të debatit të madh midis Krishtit dhe Satanit, pastrimin përfundimtar të universit nga mëkati dhe mëkatarët.” - Ibid.

“Në ditën e madhe të shpërblimit final, të vdekurit duhet të ‘*gjykohen sipas gjërave të shkruara nëpër libra, sipas veprave të tyre*’ (Zbulesa 20:12). Pastaj me meritën e gjakut shlyes të Krishtit, mëkatet e të gjithë atyre që janë penduar vërtet do të pastrohen nga libri i qiellit. Si rrjedhojë, shenjtërorja do të çlirohet, ose do të pastrohet, nga mëkati. Kjo vepër e madhe shlyerjeje, ose pastrimi të mëkateve, prezantohej nga shërbimet e Ditës së Shlyerjes – pastrimi i shenjtërores tokësore.”—Ibid., pp. 357, 358.

“Fjala e Perëndisë është e vetmja gjë e qëndrueshme dhe e pandryshueshme që bota njeh... . Jo vetëm që i nxit njerëzit të dallojnë çfarë është e vërteta, por u ndriçon shpirtin, dhe i paraqet njerëzit me vetveten si mëkatarë drejt humbjes, duke u bërë thirrje që të pendohen dhe të kthehen në besim, që mëkatet e tyre të pastrohen, dhe të mos dëshmojnë më kundër tyre.”—*The Bible Echo*, May 28, 1894.

***E Martë, 16 Shkurt***

### **3. NJË SHËRBESË QIELLORE**

**a. Mund të hynte Jezusi në shenjtëroren qiellore ndërsa tokësorja (shëmbëllimi i asaj qiellore) ishte ende në funksion?** Hebrenjtë 9:8, 9.

“Kur Jezusi në ngritjen e Tij në qiell hyri me gjakun e Vet në shenjtëroren qiellore për të derdhur mbi dishepujt e Tij bekimin e ndërmjetësimit të Tij, hebrenjtë u lanë në errësirë dhe Dera me anë të së cilës njerëzit kishin gjetur hyrje tek Perëndia nuk ishte më e hapur. Hebrenjtë kishin refuzuar ta ndiqnin Atë në të vetmen rrugë që mund të gjendej, përmes shërbimit të shenjtërores në qiell. Prandaj nuk gjetën asnjë përbashkësi me Perëndinë. Për ta dera u mbyll. Ata nuk kishin asnjë njohuri për Krishtin si sakrifica e vërtetë dhe i vetmi ndërmjetës para Perëndisë, dhe si rrjedhojë nuk mund të merrnin përfitimet e ndërmjetësimit të tij”—*The Great Controversy*, p. 430.

**b. Cilat janë ndryshimet midis shenjtërores tokësore dhe qiellore që e bëjnë këtë të fundit të ketë vlerë më të madhe?** Hebrenjtë 9:11, 12, 22, 23.

“Pas ngritjes së Tij në qiell, Shpëtimtari ynë duhet të fillonte veprën e Tij si kryepriфт. Pali thotë, “*Krishti nuk hyri në vende të shenjta të bëra me duar, të cilat janë hije të së vërtetave, por në vetë qiellin, që të paraqitej në praninë e Perëndisë për ne*” (Hebrenjtë 9:24. Ashtu si shërbimi i Krishtit duhet të përbëhej nga dy ndarje të mëdha, secila duke pasur një periudhë kohore dhe një vend të veçantë në shenjtëroren qiellore, po kështu shërbimi tipik përbëhej nga dy ndarje, shërbimi ditor dhe vjetor, dhe secilës i përkushtohej një departament i tabernakullit” - *Patriarchs and Prophets*, p. 357.

“Tani është koha që ne të kryejmë një vepër të sigurt për përjetësinë. Krishti përgjërohet për ne. A do ta ofrojmë veten si sakrificë të lirë dhe të pranueshme? Do t'i mbulojmë mëkatet tona apo do t'i rrëfejme, që të gjejme mëshirë dhe hir në çdo kohë nevojë? Ndërsa Krishti përgjërohet për ne, a nuk duhet ta braktisim dhe ta urrejmë mëkatin që shkaktoi tek Biri i Perëndisë kaq vuajtje të mëdha dhe vdekje? Ndërsa Jezusi po tregon dhembshuri për ne, a nuk duhet të kemi dhembshuri për veten? A nuk do t'i derdhim shpirtrat tanë në pendesë dhe përlulje, dhe të marrim premtimin e një zemre të re?”—*The General Conference Bulletin*, October 1, 1899.

## ***E Mërkurë 17 Shkurt***

### **4. KOHA PËR PASTRIMIN**

**a. Kur do ta pastrojë shenjtëroren nga mëkatet tona Jezusi, Kryepriifti ynë? Danieli 8:14. Sipas apostullit Pjetër, kur do të ndodhë pastrimi i mëkateve? Veprat 3:19–21.**

“Profecitë që u përmbushën në derdhjen e shiut të parë për hapjen e ungjillit do të përmbushen përsëri me shiun e fundit. Këto janë “kohët e flladit” për të cilat shikonte përpara apostulli Pjetër kut tha: “*Pendohuni dhe besoni, që mëkatet tuaja të shlyehen, kur kohët e flladit do të vijnë nga prania e Zotit, dhe Ai do të dërgojë Jezusin*” (Veprat 3:19, 20)—*The Great Controversy* (1888), p. 611.

**b. Si mund ta provoni që gjykimi analizues fillon para ardhje së dytë të Krishtit, dhe mesazhi i ëngjëllit të parë duhet të fillojë para hapjes së gjykimit analizues? Zbulesa 14:6, 7, 14, 15.**

“Vepra e gjykimit analizues dhe shlyerja e mëkateve duhet të përmbushet para ardhjes së dytë të Zotit. Meqë të vdekurit duhet të gjykohen sipas gjërave që shkruhen nëpër libra, është e pamundur që mëkatet e njerëzve të shlyhen deri pas gjykimit, ku çështjet e tyre do të analizohen. Por apostulli Pjetër thotë specifikisht që mëkatet e besimtarëve do të shlyhen ‘*kur kohët e flladit do të vijnë nga prania e Zotit, dhe Ai do të dërgojë Jezus Krishtin*’ (Vepra 3:19-20) Kur të mbyllet gjykimi analizues, Krishti do të vijë, dhe shpërblimi i Tij do të jetë me Të për t’i dhënë gjithsecilit sipas veprës së tij.”—*The Great Controversy*, p. 485.

“Ndërsa librat hapen ditën e gjykimit, jetët e atyre që besuan në Jezus paraqiten para Perëndisë. Duke filluar më parë me ata që jetuan më parë në tokë, Avokati ynë paraqet çështjet e secilit brez, dhe përfundon me të gjallët. Çdo emër përmendet, dhe çdo çështje analizohet me kujdes. Emra që pranohen, emra që refuzohen. Nëse dikush ka mëkate të parrëfyera dhe të pafalura në libra, emrat e tyre do të fshihen nga libri i jetës, dhe veprat e tyre të mira do të fshihet nga libri i kujtesës së Perëndisë.”—*Ibid.*, p. 483.

## ***E Enjte, 18 Shkurt***

### **5. ASNJË KOHË PËR TË HUMBUR**

**a. Në çfarë gjendjeje do të shlyhen mëkatet tona në gjykim?** Veprat 3:19.

“Zoti lexon çdo sekret të zemrës. Ai i njeh të gjitha gjërat. Mund ta mbyllësh librin e kujtesës tënde, që t’i shpëtosh rrëfimit të mëkateve të tua, por kut të ndodhë gjykim, të gjitha librat do të hapen, dhe nuk to nuk mund të mbyllen. Ëngjëlli ka dëshmuar atë që është e vërtetë. Gjithçka që je munduar ta fshish dhe ta harrosh është e rregjistruar dhe do të të lexohet kur do të jetë tepër vonë për të gabuarën të bëhet e vërtetë. Atëherë do të mbushesh me trishtim. Është diçka e tmerrshme që kaq shumë njerëz luajnë me interesat e qiellit, duke e mbyllur zemrën kundër çdo rrugë që përfshin rrëfim!”—*The Review and Herald*, December, 16, 1890.

**b. Çfarë paralajmërimi duhet të konsiderojmë në dritën e mesazhit të parë të ëngjellit?** Hebrenjtë 3:7, 8; 2 Korintasve 6:2; Ezekieli 18:24.

“Në shërbesën tipike, kur kryepriifti hyri në vendin shumë të shenjtë, i gjithë Izraeli duhej të mblidhej në shenjtërore dhe në një mënyrë solemne duhet të përulnin shpirtrat e tyre para Perëndisë, që të merrnin faljen e mëkateve të tyre dhe të mos shkëputeshin nga asamblea. Sa e rëndësishme është përsa i përket Ditës së Shlyerjes që të kuptojmë veprën e Kryepriiftit tonë dhe detyrat që na përkasin.”—*The Great Controversy*, pp. 430, 431.

## ***E Premte, 19 Shkurt***

### **PYETJE PËR ANALIZË PERSONALE**

- a. Kur konsiderojmë shërbimin vjetor në sistemin fetar hebre, cila ditë konsiderohej si më e rëndësishmja?
- b. Përshkruani shlyerjen dhe pasojat e saj.
- c. Pse shenjtërorja qiellore ka më tepër vlerë se ajo tokësore?
- d. Si deklarohej prej mesazhit të ëngjellit të parë koha për fillimin e gjykimit analizues?
- e. Çfarë duhet të bëjmë që mëkatet tona të shlyhen para se të përfundojë koha e sprovës?

**Mësimi 9, E Shtunë, 27 Shkurt, 2010**

## **Keqprezantimi i Shërbesës Qiellore**

“Ja Qengji i Perëndisë që i heq mëkatit botës” (Gjoni 1:29).

“Vetëm Jezusi mund t’i japë siguri Perëndisë, sepse Ai ishte i njëjtë me Perëndisë. Vetëm Ai mund të jetë Ndërmjetës midis Perëndisë dhe njeriut, sepse ai zotëronte të dy natyrat: hyjnore dhe njerëzore.”—*The Review and Herald*, April 3, 1894.

**Lexim i sugjeruar:** *The Desire of Ages*, pp. 435–439.

### **E Djelë, 21 Shkurt**

#### **1. PROFETËT E VËRTETË DHE TË RREMË**

**a. Emëro një metodë me anë të së cilës Perëndia ua zbulon vullnetin e Tij burrave dhe grave.** (Numrat 12:6.)

“Ëndërrat nga Zoti janë klasifikuar në Fjalën e Zotit me vizionet dhe janë i njëjti fryt i profecisë si edhe vizionet. Të tilla ëndrra, duke llogaritur personat që i kanë dhe rrethanat në të cilat jepen, përmbajnë provat e tyre të vërtetësisë.”—*Testimonies*, vol. 1, pp. 569, 570.

**b. Çfarë paralajmërimesh jepen kundër profetëve të rremë, dhe çfarë masash mbrojtëse duhet të ndërmerret kisha sot?** Ligji i Ripërtërirë 13:1–4; Romakëve 16:17; 1 Gjonit 4:1.

“Fryma nuk u dha – dhe as nuk mund të jepet – të zëvendësojë Biblën, sepse Shkrimet e deklarojnë qartë që Fjala e Perëndisë është standarti me anë të së cilës çdo mësim dhe përvojë duhet të provohet.”—*The Great Controversy*, p. vii.

“Mashtrimi i fundit dhe më i madh do të shpalojë së shpejti para nesh. Antikrishti do të bëjë mrekullitë e tij para syve tanë. Kaq shumë do t’i ngjajë mashtrimi së vërtetës sa që do të jetë e pamundur t’i ndash përveçse me anë të Shkrimeve të Shenjta. Me anë të dëshmisë së tyre çdo fjalim dhe mrekulli duhet të provohet.”—*Ibid.*, p. 593.

## ***E Hënë, 22 Shkurt***

### **2. QENGJI DHE CJAPI**

**a. Çfarë simbolizon qengji tek Danieli 8, dhe si u përmbush profecia?** Danieli 8:3, 4, 20; Esteri 1:1, 3.

**b. Çfarë simbolizon cjapi “shumë i madh”, dhe si është përmbushur?** Daniel 8:5–8, 21, 22.

“Çdo komb që ka hyrë në skenën e historisë është lejuar të ketë vendin e vetë në tokë, që mund të provohej nëse mund të përmbushte qëllimin e “Të Shenjtit”. Profecia ka vënë në provë ngritjen dhe rënien e perandorive të mëdha botërore – Babilonia, Medo-Persia, Greqia, dhe Roma. Me secilën prej tyre, ashtu si me kombet me më pak pushtet, historia e ka përsëritur vetveten. Secila kaloi periudhën e vet të provës, secila dështoi, lavdia e tyre ra, pushteti u ra, dhe vendi i tyre u mor nga një tjetër.”—*Education*, pp. 176, 177.

**c. Cilat arsye duhet të marrim parasysh që njerëz si Aleksandri i madh dhe Xhulio Çezari ranë nga pushteti i tyre?** Predikuesi 10:17; Luke 14:11.

“Aleksandri e kishte më të lehtë të sundonte mbretëritë sesa shpirtin e tij. Pasi mposhtte kombet, ky i ashtuquajtur “njeri i madh” u rrëzua për shkak të grykësisë dhe u bë viktimë e humbjes së kontrollit.”—*Christian Temperance and Bible Hygiene*, p. 29.

“Burri dhe gruaja që ruan balancën e mendjes kur tundohet të humbasë kontrollin është më i lartë para Perëndisë dhe ëngjëjve të qiellit sesa gjeneralët që drejtuan drejt betejës dhe fitores. Dikur një perandor i famshëm kur ishte në shtratin e vdekjes tha, “Nga të gjitha fitoret, vetëm njëra më bën të jep ngushëllim tani; fitorja që pata mbi temperamentin tim të dhunshëm.” Aleksandri dhe Çezari e patën më të lehtë të sundonin një perandori, sesa vetveten. Pasi sunduan komb më komb, ata dështuan njëri viktimë e humbjes së kontrollit, dhe tjetri për shkak të ambicjeve të çmendura.”—*Child Guidance*, pp. 95, 96.

“Perëndia të bën thirrje të dorëzosh krenarinë dhe kokëfortësinë, dhe të lejosh paqen të sundojë në zemrën tënde. Një shpirt i përulur dhe i qetë duhet përkujdesur. Mbart përulësinë e Krishtit me vete në të gjitha aktivitetet.”—*Testimonies*, vol. 4, p. 348.

## ***E Martë, 23 Shkurt***

### **3. BRIRI I VOGËL I FUQISHËM**

**a. Çfarë simbolizon briri i vogël i fuqishëm, dhe si është përmbushur?** Danieli 7:8; 8:9–12; Zbulesa 13:1–3.

“Kjo profeci e Zbulesës 13:1-10, që është e njëjtë me përshkrimin e bririt të vogël të Danielit 7, padyshim flet për regjimin papal.”—*The Great Controversy*, p. 439.

“Kurora që iu hoq Izraelit iu kalua mbretërive të Babilonisë, Medo-Persisë, Greqisë dhe Romës. Perëndia thotë, “Nuk do të jetë më, deri të vijë Ai të Cilit i përket; Atij do t’ia jap.” (Ezekieli 21:27).”—*Education*, p. 179.

**b. Si përdoren shprehjet “i madh”, “shumë i madh” dhe “jashtëzakonisht i madh” për të bërë krahasimin midis tre fuqive politike?** Danieli 8:4, 8, 9.

**c. Përmes simboleve biblike, kujt i referohet Danieli 8:10?** Zbulesa 1:13, 16, 20; 2:1.

“Këto fjalë u drejtohen drejtuesve në kishë, atyre që janë besuar nga Perëndia me përgjegjësi të mëdha. Ndikimet e mia që duhet të jenë me bollëk në kishë janë të lidhura me shërbyesit e Perëndisë, të cilët duhet të zbulojnë dashurinë e Krishtit. Yjet e qiellit janë në kontrollin e Tij. Ai i mbush me dritë. Ai i drejton lëvizjet e tyre. Nëse nuk do ta bënte këtë, ata do të ktheheshin në yje të rënë. Po kështu me shërbyesit. Ata janë thjesht vegla në duart e Tij, dhe të gjitha të mirat që përmbushen vijnë prej fuqisë së Tij... . Nëse do të shikojnë tek Krishti, ashtu si Ai pa tek Ati, atëherë do të aftësohen për të bërë veprën e Tij”—*The Acts of the Apostles*, pp. 586, 587.

“Kur Gjoni i Zbulesës pa vizionin e Zotit të Tij, sa ndryshe që ishte pamja e Shpëtimtarit! Ai nuk ishte më “njeriu i dhimbjeve” dhe njohës i dhimbjes” (Isaa 53:3) Ai nuk mban më shenjat e poshtërimit. Sytë e Tij janë si flakë zjarri, këmbët si bronz i kulluar, ashtu si ndriçon në furrë. Toni i zërit të Tij është muzika e shumë ujërave. Fytyra e Tij ndriçon si dielli në mesditë. Duart e Tij janë shtatë yje, që përfaqësojnë shërbyesit e kishave. Nga goja e Tij del një shpatë e mprehtë me dy presa, një embleme e fuqisë së Fjalës së Tij.”—*The Sanctified Life*, pp. 77, 78.

## ***E Mërkurë, 24 Shkurt***

### **4. ROMA NË DY FAZA**

**a. Kush është “komandanti i ushtrisë”, dhe si e lartësonte veten kundër Tij briri i vogël?** Danieli 8:11, 25; Zbulesa 19:16; 17:14.

“Profecia, në të cilën gjenden këto simbole, fillon me Zbulesën 12, me dragoin që kërkoi të shkatërronte Krishtin në lindjen e Tij. Dragoi thuhet që ishte Satani (Zbulesa 12:9). Ishte ai që nxiti Herodin të vriste Shpëtimtarin. Por agjenti kryesor në luftën kundër Krishtit dhe ndjekësve të Tij përgjatë shekujve të epokës së krishterë ishte perandoria romake, paganizmi i së cilës ishte feja dominuese. Prandaj, ndërsa dragoi fillimisht përfaqëson Satanin, në kuptimin e dytë është simbol i Romës pagane.”—*The Great Controversy*, p. 438.

“Jezusi i do fëmijët e Tij edhe nëse ata gabojnë. Ata i përkasin Jezusit dhe duhet t’i trajtojmë si të blerë me gjakun e Jezus Krishtit. Çdo lëvizje e paarsyeshme kundër tyre shkruhet nëpër libra si të ishte kundër Jezus Krishtit.”—*Selected Messages*, bk. 3, p. 195.

**b. Çfarë shërbese filloi Jezusi kur zuri vendin në shenjtëroren qiellore?** Hebrejtë 3:1; 8:1, 2; 9:24.

“Jezusi është Avokati ynë, Kryepifti ynë, Ndërmjetësuesi ynë.”—*Lift Him Up*, p. 319.

**c. Pas rënies së Romës perandorake, çfarë bëri regjimi papal për të transferuar shërbesën ndërmjetësuese të shenjtërores qiellore tek institucionet në tokë?** 2 Thesalonikasve 2:3,4. **Pse është i papranueshëm ky ndryshim?** Gjoni 14:6; 1 Timoteut 2:5.

“Në ndërmjetësimin e Tij, Krishti-Avokati ynë, nuk ka nevojë për meritat dhe ndërmjetësimin e njeriut. Krishti është i vetmi mbartës i mëkatit, i vetmi flijim për mëkatin. Lutja dhe rrëfimi duhet t’i ofrohen vetëm Atij I Cili hyri një herë e përgjithmonë në vendin shumë të shenjtë.”—*Ibid.*, p. 319.

“Piftërinjtë dhe drejtuesit nuk kanë asnjë të drejtë të ndërhyjnë midis Krishtit dhe shpirtave për të cilët Ai vdiq, si të kishin cilësitë e Shpëtimtarit deh të aftë për të falur paudhësinë dhe mëkatin. Ata vetë janë mëkatarë dhe janë vetëm njerëz.” *The Faith I Live By*, p. 105.

## ***E Enjte, 25 Shkurt***

### **5. SHENJTËRORJA QIELLORE E PASTRUAR**

**a. Si e parashikon profecia e Danielit që shërbesa e përditshme e Krishtit në shenjtëroren qiellore do të fshihet dhe dëmtohet?** Danieli 8:11, 12.

“Pashë që fjalës “*e vazhdueshme*” (Danieli 8:12) i është shtuar nga dituria njerëzore fjala “*flijim*”, që nuk i përket tekstit origjinal, dhe që Zoti ia dha këndvështrimin e drejtë atyre që shpallën orën e gjykimit.”—*Early Writings*, pp. 74, 75.

**b. Përsa kohë do të lejohej kjo apostazi për të lënë në hije shërbesën shlyese të Krishtit në qiell?** Danieli 8:13, 14.

“Si Ndërmjetësuesi ynë, Krishti punon në mënyrë të pandërprerë. Edhe nëse njerëzit e pranojnë ose e refuzojnë, Ai punon vazhdimisht për ta. Ai u jep dritë edhe jetë, duke luftuar me Frymën e Tij që t'i shkëpusë nga shërbimi i Satanit. Dhe ndërsa Shpëtimtari punon, edhe I Ligu punon me një energji të pashtershme, me mashtrimin e padrejtësisë. Por fitorja nuk do të jetë kurrë e Tij.”—*The Review and Herald*, March 12, 1901.

**c. Çfarë kuptojmë kur njohim fillimin dhe fundin e 2300 ditëve?** Isaia 43:25; Zbulesa 14:6, 7.

## ***E Premte, 26 Shkurt***

### **PYETJE PËR ANALIZË PERSONALE**

a. Si mund të identifikojmë profetët që kanë një mesazh të vërtetë nga Perëndia?

b. Përshkruaj kuptimin e qengjit dhe të cjamin.

c. Shpjego ndryshimin midis fjalëve “i madh”, shumë i madh” dhe “jashtëzakonisht i madh” në lidhje me këtë profeci.

d. Çfarë janë përpjekur të bëjnë fuqitë e hershme për të imituar veprën e Jezusit në shenjtëroren qiellore?

e. Çfarë ngjarje duhet të jemi të aftë të shikojmë me anë të besimit në mbarim të 2300 ditëve?

**Mësimi 10, E Shtunë, 6 Mars 2010**

**“Atëherë do të pastrohet shenjtëroja” – Pjesa e parë**

“Edhe 2300 ditë, pastaj shenjtërorja do të pastrohet” (Danieli 8:14).

“Kryqi i Krishtit duhet të studiohet. Ai duhet të tërheqë vëmendjen dhe të ndezë mirënjohjen. Gjaku që u derdh për mëkatet do të pastrojë mendjen dhe zemrën nga çdo egoizëm.”—*Testimonies to Ministers*, p. 378.

**Lexim i sugjeruar:** *Prophets and Kings*, pp. 551–556.

**E Djelë, 28 Shkurt**

**1. AGJËRO DHE LUTU**

**a. Çfarë po studionte Danieli vitin e parë të Mbretit Dar?** Danieli 9:2; Jeremiah 29:10.

“Duke pasur peshë në zemër për Izraelin, Danieli i studioi edhe një herë Shkrimet e Jeremias. Ato ishin shumë të qarta – kaq të qarta saqë kuptoi me anë të këtyre dëshmimeve të rregjistruara në libra “numrin e viteve” (Danieli 9:2)”—*Prophets and Kings*, p. 554.

**b. Në çfarë rrethanash po përpiquej të kuptonte Danieli Shkrimet e lajmëtarëve të caktuar të Perëndisë?** Danieli 2:17–19; 9:3; 10:1, 2. **Si duhet t’i studiojmë Shkrimet nëse presim që Fryma e Shenjtë të ndriçojë mendjen tonë?**

“Kur bëjnë kërkime në Shkrime me një dëshirë të zellshme për të mësuar të vërtetën, Perëndia do të japë Frymën e Tij në zemrën tënde dhe të të ndriçojë mendjen me dritën e Fjalës së Tij. Bibla e interpreton vetveten, një pasazh shpjegon një tjetër. Duke krahasuar Shkrimet që i referohen të njëjtës tematikë, do të shikosh një bukuri dhe harmoni të tillë që nuk e ke ëndërruar ndonjëherë.”—*Testimonies*, vol. 4, p. 499.

## ***E Hënë, 1 Mars***

### **2. 2300 DITËT**

**a. Cilin dërgoi Perëndia për të ndriçuar Danielin për shpjegimin e vizionit?(Danieli 8:14)? Pse? (Danieli 8:16–18, 26, 27).**

“Nëpërmjet një vizioni tjetër, një dritë e mëtejshme ishte hedhur për ngjarjet e së ardhmes, dhe ishte në mbarim të këtij vizioni që Danieli dëgjoi ‘një të shenjtë që fliste, dhe një i shenjtë tjetër i tha atij që fliste: “Deri kur do të vazhdojë ky vegim... “ (Daniel 8:13). Përgjigjja që iu dha, “Për 2300 ditë, pastaj shenjtërorja do të pastrohet” (vargu 14), e mbushi me mendime. Ai e kërkoi me zell kuptimin e vizionit. Nuk mund ta kuptonte lidhjen dhënë nga 70 vitet e robërisë, si u paratha nga Jeremia, me 2300 ditët që sipas vizitorit qiellor duhet të ndodhnin para se të pastrohej shenjtërorja e Perëndisë. Ëngjëlli Gabriel i dha një interpretim të pjesshëm, dhe gjithsesi kur profeti dëgjoi fjalët, ‘Vizioni... do të jetë për shumë ditë,’ u rrëzua pa fuqi (vargjet 26, 27).”—*Prophets and Kings*, p. 554.

**b. Si e shpjegoi Gabrieli ardhjen e tij me qëllim për të plotësuar shpjegimin e papërfunduar të vizionit? (Danieli 8:14)? Danieli3 9:22, 23.**

“Ëngjëlli Gabriel u dërgua tek Danieli me qëllimin urgjent për t’i shpjeguar çështjen të cilën nuk mundi ta kuptonte në vizionin e kapitullit 8, fjalinë ‘2300 ditë dhe pastaj shenjtërorja do të pastrohet.’ (Danieli 8:14).”—*The Great Controversy*, p. 326.

“Si një popull, ne duhet të jemi studentë të zellshëm të profecisë. Nuk duhet të jemi të qetë derisa të njihemi më së miri përsa i përket temës së shenjtërores, që erdhi përmes vizionit të Danielit dhe të Gjonit. Kjo temë hedh dritë për pozitën dhe punën tonë aktuale, dhe na jep një provë të pagabueshme që Perëndia na ka drejtuar në përvojat e kaluara. Kjo na shpjegon zhgënjimin e 1844-s, duke na treguar që shenjtërorja që duhej pastruar nuk ishte në tokë, ashtu siç mendonim, por që Krishti hyri në vendin shumë të shenjtë, dhe është atje duke kryer veprën e Tij përfunduese priftërore, në përmbushje të fjalëve të ëngjëllit ndaj profetit Daniel, ‘për 2300 ditë dhe pastaj shenjtërorja do të pastrohet’.(Daniel 8:14).”—*Evangelism*, pp. 222, 223.

## ***E Martë, 2 Mars***

### **3. PARIMI NJË DITË-NJË VIT**

#### **a. Si e kuptojmë një ditë profetike?** Ezekieli 4:6; Numrat 14:33, 34.

“Një ditë në profeci qëndron për një vit. Shiko Numrat 14:34; Ezekieli 4:6.”—*Prophets and Kings*, p. 698.

#### **b. Si e shpjegoi Gabrieli pjesën e parë të 2300 ditëve?** Danieli 9:24–27.

“Pasi e këshillon Danielin ‘të kuptojë çështjen dhe të konsiderojë vizionin,’ fjalët e para të ëngjëllit janë: ‘70 javë janë caktuar për popullin tënd dhe për qytetin tënd të shenjtë.’ Fjala ‘caktuar’ do të thotë ‘prerë’. 70 javët që përfaqësojnë 490 vjet, deklarohen nga ëngjëlli si të prera, sidomos përsa i përket hebrenjve. Por nga çfarë janë të prera? Meqë 2300 ditët janë e vetmja periudhë që përmenden në kapitullin 8, duhet të jetë periudha nga të cilat janë prerë 70 javët. 70 javët atëherë, duhet të jetë pjesë e 2300 ditëve, dhe të dy periudhat duhet të fillojnë bashkë. 70 javët u deklaruan nga ëngjëlli të datojnë që nga zbatimi i urdhërit për të restauruar dhe ndërtuar Jeruzalemin. Nëse data e këtij urdhëri mund të gjendej, atëherë pika e fillimit të peridhën e madhe të 2300 ditëve do të ishte i qartë.”—*The Great Controversy*, p. 326.

#### **c. Si u përmbush sipas origjinalit fraza ‘u dha fund mëkateve’ ose ‘flijimeve të mëkateve’?** Hebrenjtë 9:24–26.

“Ëngjëlli tha, ‘Ai do të kryejë besëlidhjen me shumë veta për një javë (shtatë ditë). Për shtatë ditë pasi Shpëtimtari hyri në shërbesën e Tij, ungjilli u shpall posaçërisht për hebrenjtë; për 3 vjet e gjysmë nga vetë Shpëtimtari, dhe më pas nga apostujt. ‘Në mes të javës Ai do t’i japë fund flijimit dhe blatimit.’ (Daniel 9:27). Në pranverë të vitit 31 p.k., Krishti, Flijimi i vërtetë, u ofrua në Kalvar. Pastaj veli i tempullit u nda më dysh, duke treguar që shenjtëria dhe domethënia e shërbimit të flijimeve nuk ishte më. Kishte ardhur koha të reshtnin flijimi dhe blatimi tokësor.”—*Prophets and Kings*, p. 699.

## ***E Mërkurë, 3 Mars***

### **4. SHPJEGIM TERMASH**

#### **a. Si u krye pajtimi për paudhësitë? 2 Korintasve 5:19, 20.**

“Jezusi pagoi një çmim të plotë për të çliruar botën, dhe rracë njerëzore iu dha në duart e Tij. Ato u bënë prona e Tij. Ai sakrifikoi nderin, pasuritë, dhe shtëpinë e Tij të lavdishme në oborret mbretërore dhe u bë djali i Jozefit dhe Maries. Jozefi ishte një nga punëtorët më të përulur. Jezusi gjithashtu punoi. Ai bëri një jetë të vështirë me përpjekje. Kur shërbesa e Tij filloi pas pagëzimit të Tij, Ai duroi një agjërim të vështirë prej afërsisht 6 javësh. Nuk ishte thjesht agonia e vazhdueshme e urisë që ia bënëin vuajtjet të padurueshme, por ishte faji i mëkateve të botës që rëndonte kaq shumë mbi Të. Ai që nuk njohte mëkat u bë mëkat për ne. Me këtë peshë faji të tmerrshme mbi Vete për shkak të mëkateve tona Ai i qëndroi provës të frikshme të oreksit, të dashurisë së botës dhe krenarisë të së dukurit që çon në arrogancë. Krishti i përballi këto tre tundime të mëdha dhe i mposhti në vend të njeriut, duke zhvilluar për të një karakter të drejtë, sepse Ai e dinte që njeriu nuk mund ta bënte për veten. Ai e dinte që në këto tre pika Satani do të sulmonte rracën njerëzore. Ai e kishte mposhtur Adamin dhe kishte planifikuar ta çonte përpara punën e tij derisa të përfundonte shkatërrimin e njeriut. Krishti hyri në betejë në vend të njeriut për të mposhtur Satanin për të sepse e pa që njeriu nuk mund ta mposhte vetë. Krishti e përgatiti rrugën për çlirimin e njeriut me anë të jetës së Tij vuajtëse, vetmohimit, vetë-sakrificës, poshtërimin dhe vdekjes së Tij. Ai i solli ndihmë njeriut që të me anë të shembullit të Krishtit ta mposhte vetë, ashtu si Krishti e mposhti.”- *Testimonies*, vol. 3, p. 372.

“Sill ndërmend poshtërimin e Krishtit. Ai mori mbi vete natyrën njerëzore të rënë në mëkat dhe plot vuajtje, të poshtëruar dhe të ndotur nga mëkati. Ai mori dhimbjet tona, duke mbartur trishtimin dhe turpin tonë. Ai i përballi të gjitha tundimet që njeriu mund të sulmohej. Ai ndërthuri anën njerëzore me atë hyjnore; një shpirt hyjnor në një tempull mishi. ‘Fjala u bë mish, dhe banoi ndër ne’ (Gjoni 1:14), sepse vetëm kështu mund të shoqërohej me bijtë dhe bijat mëkatore të Adamit.”—*The SDA Bible Commentary* [E.G. White Comments], vol. 4, p. 1147.

**b. Para të fillonte shërbesën në shenjtëroren tokësore, tabernakulli duhet të vajosej (Eksodi 40:9). Çfarë duhet të bënte Jezusi para fillimit të shërbesës në shenjtëroren qiellore? Danieli 9:24; Hebrenjtë 8:1-5; 9:8, 11, 12.**

## ***E Enjte, 4 Mars***

### **5. SHPJEGIM TERMASH (NË VAZHDIM)**

**a. Si është zbuluar drejtësia e Perëndisë nën Besëlidhjen e Re?** Isaia 56:1; Romakëve 3:21–24.

**b. Si është siguruar drejtësia e përjetshme?** Nahumi 1:9.

“I gjithë universi do të jetë dëshmitar i natyrës dhe i pasojës së mëkatit. Dhe shfarosja e thellë, që në fillim mund të kishte sjellë frikë tek ëngjëjt dhe çnderim tek Perëndia, tani do të nxjerrë në pah dashurinë e Tij dhe të vendosë nderin e Tij para universit të qënieve të gjalla që kënaqen të bëjnë vullnetin e Tij, dhe në zemrat e të cilëve është ligji i Tij. Kurrë më e liga nuk do të shfaqet... . Ligji i Perëndisë, të cilin Satani e kishte akuzuar si zgjedhë robërie, do të nderohet si ligji i lirisë.”—*The Great Controversy*, p. 504.

“Krishti në të qëniti njeri shfaqti një karakter të përsosur, dhe këtë karakter na e ofron që ta kemi... . Me anë të bindjes së Tij të përsosur Ai e ka bërë të mundur për çdo qenie njerëzore që t’i bindet urdhërimeve të Perëndisë. Kur ia dorëzojmë veten Krishtit, zemra bashkohet me zemrën e Tij, vullneti shkrihet me vullnetin e Tij, mendja bëhet një me mendjen e Tij, mendimet i nënshtrohen plotësisht Atij dhe ne jetojmë jetën e Tij. Kjo është çfarë do të thotë të vishesh me rrobën e drejtësisë. Pastaj Zoti shikon tek ne, jo më veshjen e bërë me gjethe fiku, jo më lakuriqësinë dhe shpërftyrimin e mëkatit, por rrobën e Tij të drejtësisë, e cila është bindje e përsosur ndaj ligjit të Jehovës.”—*Christ’s Object Lessons*, pp. 311, 312.

## ***E Premte, 5 Mars***

### **PYETJE PËR ANALIZË PERSONALE**

a. Çfarë sakrificash duhet të jemi gati të bëjmë për të kuptuar profecitë e rëndësishme për kohën tonë?

b. Si e dimë që profecitë e Danielit 9 janë të lidhura dukshëm me Danielin 8 – sidomos në shpjegimin e dhënë në vargun 14?

c. Kur studiojmë profecitë, çfarë parimi kemi nevojë të kuptojmë kur konsiderojmë kohën?

d. Shpjego disa nga gjërat që duheshin të përmbusheshin gjatë periudhës së 70 javëve.

e. Çfarë duhej të ndodhte para se Jezusi të fillonte shërbesën e Tij në shenjtëroren qiellore?

**Mësimi 11. E Shtunë, 13 Mars, 2010**

**“Atëherë shenjtërorja do të pastrohet” – Pjesa e dytë**

*“Prandaj dije dhe kuptoje se, që kur ka dalë urdhri të restaurohet dhe të rindërtohet Jeruzalemi deri te Mesia, princi, do të duhen shtatë javë dhe gjashtëdhjetë e dy javë të tjera; ai do të ndërtohet përsëri me sheshe dhe me ledhe, por në kohëra plot ankth.” (Daniel 9:25).*

“Gjaku i Krishtit, ndërsa e çliroi mëkatarin e penduar nga dënimi i ligjit, nuk e anuloi mëkatin; do të qëndronte si shenjë në shenjtërore deri në shlyerjen e fundit.”—*Patriarchs and Prophets*, p. 357.

**Lexim i sugjeruar:** *Prophets and Kings*, pp. 607–617.

***E Djelë, 7 Mars***

**1. 70 JAVËT**

**a. Me çfarë ngjarje fillon profecia e 70 javëve?** Danieli 9:25.

**b. Shpjego pse dekretet e Kirit dhe Darit nuk i përmbushën të gjitha kushtet e kësaj profecie?** Ezra 1:1–4; 6:1–12.

**c. Pse dekreti i Artakserksit merret si pikë fillimi në përmbushjen e kësaj profecie?** Ezra 6:14; 7:11–26.

“Në formën e saj të plotë dekreti u shpërnda nga Artakserksi, mbreti i Persisë, më 457 para Krishtit.”—*The Great Controversy*, p. 326.

“Dekreti i Artakserksit për restaurimin dhe ndërtimin e Jeruzalemit, i treti i shpërndarë që nga mbyllja e robërisë 70-vjeçare, është e rëndësishme për shprehjet e saj ndaj Perëndisë që qiellit, për njohjen ndaj arritjeve të Ezrës, dhe për lirimimin e granteve të kryera për popullin e Perëndisë.”—*Prophets and Kings*, p. 610.

***E Hënë, 8 Mars***

## **2. MESIA SHFAQET**

**a. Kur shfaqet Mesia – duke treguar se 70 javët profetike kishin filluar?** Gjoni 1:29, 41; Mateu 3:16, 17; Veprat 10:38.

“Që nga dalja e urdhrit për restaurimin dhe ndërtimin e Jeruzalemit deri tek Mesia –Princi do të ishin 7 javë, dhe 62 javë, gjithsej 69 javë, ose 483 vjet. Dekreti i Artakserksit doli në fuqi në vjeshtë të vitit 457 para Krishtit. Që nga kjo datë, 483 vitet shkuan deri në vjeshtë të vitit 27 pas Krishtit... Në atë kohë profecia u përmbush. Fjala ‘Mesia’ do të thotë ‘*Vajosuri*’. Në vjeshtë të vitit 27, Krishti u pagëzua nga Gjoni dhe mori vajosjen e Frymës. Apostulli Pjetër dëshmon që ‘*Perëndia e vajosi Jezusin Nazaretas me Frymën e Shenjtë dhe me fuqi*’ (Veprat 10:38) Dhe vetë Shpëtimtari shpalli: ‘*Fryma e Zotit është mbi Mua, sepse Ai më ka vajosur për të predikuar ungjillin të varfërve*’ (Luka 4:18) Pas pagëzimit Ai shkoi në Galile, ‘*duke predikuar ungjillin e mbretërisë së Perëndisë, dhe duke thënë ‘Koha u mbush’*’ (Marku 1:14, 15).”—*The Great Controversy*, p. 327.

**b. Si e përdori Jezusi këtë profeci (Danieli 9:25) për të deklaruar shërbesën e Tij?** Marku 1:14, 15.

“Vetë Krishti i kishte dërguar dishepujt me mesazhin: ‘*Koha u plotësua, dhe mbretëria e Perëndisë është afër. Pendohuni dhe besoni ungjillin*’ (Marku 1:15). Ky mesazh ishte i bazuar në profecinë e Danielit 9. 69 javët u shpallën nga ëngjëlli deri në ardhjen e ‘Princit Mesia’, dhe me pritje të mëdha dishepujt prisnin për themelimin e mbretërisë së Mesias në Jeruzalem për të mbretëruar në të gjithë tokën.

“Ata predikuan mesazhin që ua dha Krishti, megjithëse vetë e keqinterpretuan kuptimin e tij. Ndërsa shpallja e tyre ishte e themeluar në Danielin 9:25, ata nuk e panë që në vargun tjetër të të njëjtit kapitull, Mesia duhej të vritej. Që nga lindja zemrat e tyre ishin vendosur në lavdinë e shumëpritur të një mbretërie tokësore, dhe kjo e kishte verbuar të kuptuarin e tyre ndryshe nga profecia dhe fjalët e Krishtit.”—*Ibid.*, p. 345.

***E Martë, 9 Mars***

### **3. PËRMBUSHJA E PROFECISË**

**a. Me çfarë ishte i zënë Jezusi gjatë shërbesës së Tij, dhe çfarë ndodhi saktësisht në kohën e caktuar?** Gjoni 7:6–8; 19:16–18, 28–30.

“Koha e ardhjes së parë dhe disa nga ngjarjet kryesore në jetën e Shpëtimtarit u bënë të njohura nga ëngjëlli Gabriel për Danielin. ‘70 javë’, tha ëngjëlli, ‘janë caktuar për popullin tënd dhe për qytetin tënd të shenjtë, për të t’i dhënë fund shkëljes, për t’i dhënë fund mëkatit, për të shlyer paudhësinë, për të sjellë një drejtësi të përjetshme, për të vulosur vegimin dhe profecinë, për të vajosur vendin shumë të shenjtë. (Danieli 9:24).’—*Prophets and Kings*, p. 698.

“Krishti kishte ardhur në kohën e caktuar dhe në mënyrën e parathënë nga profecia. Dëshmia e Shkrimeve ishte përmbushur në çdo detaj të shërbesës së Tij.”—*The Great Controversy*, p. 346.

**b. Meqë pjesa e parë (490 ditët profetike) përfunduan në vitin 34 pas Krishti, kur do të përfundojë pjesa tjetër e 2300 ditëve?**

“Vdekja e Krishtit – ngjarja që dishepujt e panë si shkatërrimin e fundit të shpresës së tyre – ishte ajo që i vuri vulën e sigurisë. Megjithëse u solli një zhgënjim të madh, ishte kulmi i provës që besimi i tyre kishte qenë i saktë. Ngjarja që i kishte mbushur me vajtëm dhe dëshpërim ishte ngjarja që i hapi derën e shpresës çdo fëmije të Adamit, dhe që i dha jetë dhe lumturi të përjetshme të gjithë besnikëve të Perëndisë në të gjitha epokat.”—*Ibid.*, p. 348.

“Deri tani çdo specifikë e profecive është përmbushur krejt, dhe fillimi i 70 javëve është padyshim në vitin 457 para Krishti, dhe përfundimi i tyre në vitin 34 pas Krishtit. Nga kjo datë nuk është e vështirë të gesh përfundimin e 2300 ditëve. 70 javët – 490 ditët – duke qenë prerë nga 2300, kishin ngelur edhe 1810 ditë. Pas fundit të 490 ditëve, 1810 ditët ngeleshin ende për t’u përmbushur. Nga viti 34 pas Krishtit, 1810 ditët shkojnë deri në vitin 1844. Si rrjedhojë 2300 ditët e Danielit përfundojnë më 1844. Në përfundim të kësaj periudhe të madhe profetike, sipas dëshmisë së ëngjëllit të Perëndisë, ‘shenjtërorja duhet të pastrohet’. Prandaj koha e pastrimit të shenjtërores – e cila në përgjithësi besohej se do të ndodhte në ardhjen e dytë – u zbulua përfundimisht.”—*Ibid.*, p. 328.

## ***E Mërkurë, 10 Mars***

### **4. GJYKIMI ANALIZUES: NJË PJESË E UNGJILLIT**

**a. Cili është qëllimi i mesazhit për 2300 ditët dhe të gjykimit analizues si pjesë e ungjillit të përjetshëm për t'iu prezantuar botës?** Zbulesa 14:6, 7.

“Që njerëzit të jenë të përgatitur për gjykimin, mesazhi i urdhëron “*të ketë frikë Perëndinë dhe t'i japë laudi Atij*”, “*dhe të adhurojnë Atë që krijoi qiellin, tokën, detin dhe lumenjtë.*” Rezultati i në pendese në këto mesazhe jepet në fjalën: “Këta janë ata që mbajnë urdhërimet e Perëndisë, dhe besimin e Jezusit.” Me qëllim që të jenë të përgatitur për gjykimin, është e nevojshme që njerëzit të zablojnë ligjin e Perëndisë.”—*The Great Controversy*, p. 436.

**b. Është e mundur që Zbulesa 14:6, 7 të tregojë kohën për fillimin e gjykimit? Nëse koha e duhur nuk mund të identifikohet, atëherë si mund të përcillet një mesazh i tillë?**

“Vetë mesazhi i ëngjëllit të parë hedh dritë për kohën kur kjo lëvizje do të ndodhë. Është deklaruar të jetë pjesë e ‘*ungjillit të përjetshëm*’ dhe shpall hapjen e gjykimit. Mesazhi i shpëtimit është predikuar në të gjitha epokat, por ky mesazh është një pjesë e ungjillit që mund të shpallet vetëm në ditët e fundit, sepse vetëm atëherë do të jetë e vërtetë që ora e gjykimit ka ardhur. Profecitë prezantojnë një radhitje ngjarjesh që çojnë në hapjen e gjykimit.”—*Ibid.*, pp. 355, 356.

**c. Si madje edhe libri i fundit në Bibël përsërit kushtet për praninë në mbretëri?** Zbulesa 21:27; 22:14, 15.

“Nëse njerëzit do të vështronin dashurinë e Krishtit, të shfaqur në kryq, besimi i tyre do të forcohej për të vlerësuar meritat e gjakut të Tij të derdhur, dhe do të pastroheshin e shpëtoheshin nga mëkati. Shumë do të humbasin, sepse varen në fe legaliste, ose thjesht në pendesën. Por vetëm pendesa nga mëkati nuk funksionon për shpëtimin e shpirtit. Njeriu nuk mund të shpëtohet nga veprat e veta. Pa Krishtin është e pamundur për të mbajtur bindje të përsosur ndaj ligjit të Perëndisë, dhe qielli nuk mund të fitohet nga një bindje e papërsosur, sepse kjo do ta vendoste gjithë qiellin në kaos, dhe të bëjë të mundur një rebelim të dytë.”—*The Signs of the Times*, December 30, 1889.

## ***E Enjte, 11 Mars***

### **5. HYRJE ME TË DREJTË**

**a. Cila është e vetmja mënyrë që dikush mund të ketë të drejtën të hyjnë në Jeruzalemin e Ri?** Efesianëve 5:27; Isaia 43:25.

**b. Çfarë duhet të bëjmë duke parë në dritën sesa serioze janë bërë kohërat që jetojmë?** Marku 13:33; Zbulesa 3:3; 22:11.

“Gjykimi tani po kalon në shenjtëroren lart. Për shumë vjet kjo vepër ka qenë në punë e sipër. Së shpejti – askush nuk e di se kur – do të kalojë në çështjet e të gjallëve. Në praninë e tmerrshme të Perëndisë jetët tona do të rishikohen... .

“Kur të mbyllet vepra e gjykimit analizues, fati i të gjithëve do të jetë vendosur për jetë ose vdekje. Koha e provës do të përfundojë pak më përpara shfaqjes së Zotit në retë e qiellit... .

“Të drejtët dhe të këqinjët ende do të jetojnë në tokë në gjendjen e tyre të vdekshme – njerëzit do të mbjellin dhe do të ndërtojnë, do të hanë dhe do të pinë, të gjithë të pandërgjegjshëm që vendimi e pakthyeshem final është deklaruar në shenjtëroren lart... . E rrezikshme do të jetë gjendja e atyre që, duke u dobësuar në pritjen e tyre, kthehen në kënaqësitë e botës. Ndërsa njeriu i biznesit është i tërhequr në kërkim të fitimit, ndërsa kërkuesi i kënaqësive kërkon përmbushje, ndërsa vajza e modës rregullon zbukurimet e saj – mund të jetë pikërisht në atë orë që Gjykatësi i të gjithë tokës do të shpallë dekretin: “*Ti u peshove në peshoret dhe u gjet që të mungonte diçka.*” (Danieli 5:27).”—*The Great Controversy*, pp. 490, 491.

## ***E Premte, 12 Mars***

### **PYETJE PERSONALAE ANALIZUESE**

- a. Pse viti 457 para Krishtit shënon fillimin e 70 javëve?
- b. Si e tregoi Jezusi që fillimi i shërbesës së Tij shënoi fillimin e 70 javëve?
- c. Si lidhen ngjarjet e 70 javëve me pjesën tjetër të 2300 ditëve?
- d. Çfarë lloj karakteri kemi nevojë të formojmë me qëllim që të kemi të drejtën të hyjmë në portat e Jeruzalemit të Ri?
- e. Ndërsa jemi të urdhëruar të paralajmërojmë të gjithë botën, çfarë mesazhi duhet të jetë pjesë e ungjillit këto ditë të fundit?

**Mësimi 12, E Shtunë, 20 Mars, 2010**

## **Largojuni çrregullimit**

“Dilni prej tyre, dhe ndahuni, thotë Zoti, dhe mos prekni asgjë të papastër, dhe unë do t’ju pranoj.” (2 Korintasve 6:17).

“Është detyra e çdo fëmije të Perëndisë të bëjë pyetjen: ‘A jam i ndarë nga bota?’ Le të shqetësohemi pak, dhe të jemi në anën e duhur.”—*Testimonies*, vol. 1, p. 278.

**Lexim i sugjeruar:** *Patriarchs and Prophets*, pp. 117–124.

### **E Djelë, 14 Mars**

#### **1. PAUDHËSI E PATOLERUESHME**

**a. Kur paudhësia u rrit në një masë të tillë saqë Perëndia nuk mund ta toleronte më tej, çfarë dërgoi Ai mbi botën e ligë? Zanafilla 6:5, 6. Çfarë duhet të mësojmë nga kjo?**

“Njerëzimit jetëgjatë të para përmytjes, vetëm një hap nga parajsa, Perëndia u dha dhurata, dhe ata zotëronin një fuqi trupore dhe mendore që njerëzit tani nuk kanë as grimcën e idesë, por ata i përdorën bekimet e Tij, forcën dhe talentet që Ai u dha, për qëllime egoiste, për t’u shërbyer orekseve të paligjshme, dhe për të ngritur krenarinë... derisa Perëndia nuk mund të duronte më tej paudhësinë e tyre, dhe u rrafshuan nga përmytja.”—*Fundamentals of Christian Education*, pp. 421, 422.

**b. Pas përmytjes, rraca njerëzore u shumua. Çfarë ndodh në mënyrë të paevitueshme me qëllim që të paktët besnikë të Perëndisë të ruajnë pastërtinë e së vërtetës? Zanafilla 10:1–10.**

“Për një farë kohe pasardhësit e Noeut vazhduan të jetojnë midis maleve kur qëndroi barka. Me rritjen e numrit të tyre, apostazia shpjet i çoi në ndarje. Ata që dëshiruan të harronin Krijuesin e tyre dhe të hidhnin tej kufizimin e ligjit të Tij ndjenë një inat të vazhdueshëm nga mësimi i kolegëve të tyre që druanin Perëndinë, dhe pas një farë kohe vendosën të ndaheshin nga adhuruesit e Perëndisë.”—*Patriarchs and Prophets*, p. 118.

***E Hënë, 15 Mars***

## **2. KULLA E BABELIT**

**a. Si u përpoq Nimrodi, një njeri i fuqishëm kundër Zotit, t'i bënte një emër vetes? Zanafilla 10:9, 10. Çfarë urdhërese refuzoi plotësisht? Zanafilla 11:1-9; 1:28; 9:1.**

“Perëndia i kishte drejtuar njerëzit të shpërndareshin nëpër botë, ta mbushnin dhe ta nënshtronin, por ndërtuesit e Babelit vendosën ta mbanin komunitetin e tyre të bashkuar si një trup i vetëm dhe të ndërtonin një monarki që më pas të mbulonte gjithë tokën. Më pas qyteti i tyre të bëhej metropoli i një perandorie universale; lavdia e tij do të kërkonte admirimin dhe adhurimin e botës dhe t'i bënte ndërtuesit të famshëm.”—*Patriarchs and Prophets*, p. 119.

**b. Në kontrast të thellë me njerëz si Nimrodi që kërkojnë t'i bëjnë emër vetes edhe sot, si i përshkruan Shkrimi ata që kërkojnë të themelojnë Emrin e Perëndisë në tokë? Ligji i Ripërtërirë 28:9, 10.**

“E vërteta duhet të jetë gjithçka për ne. Ata që duan t'i bëjnë një emër vetes me botën le të humbasin me botën. Konflikti i madh po afrohet në të cilin të gjithë do të kenë pozicionin e tyre. E gjithë bota e krishterë do të jetë e përfshirë. Ditë pas dite, orë pas ore, duhet të motivohemi nga Fjala e Perëndisë. Vetja duhet të shenjtërohet nga parimet e drejtësisë, të mëshirës dhe dashurisë së Perëndisë.

“Sa herë që ka pasiguri, lutu dhe kërko me këmbngulje, “A është kjo rruga e Zotit?” Me Biblat para jush, këshillohuni me Perëndinë, në atë se çfarë do të bënte Ai. Parimet e shenjta janë të zbuluara në Fjalën e Perëndisë. Burimi i gjithë diturisë së vërtetë gjendet në kryqin e Kalvarit.”

“Gjithandej shikojmë shenja në rritje që mesazhi që kemi nga Perëndia është mesazhi i fundit për paralajmërim ndaj kishave në botë.”—*The Upward Look*, p. 171.

“Zoti nuk do që të ngremë ndërtesa. Më shumë se çdo gjë tjetër Ai dëshiron njerëz të kthyer në besim dhe me zemër të re. Ju nxis që të shkoni në vendet që janë lënë mënjanë, dhe t'u jepni mesazhin e paralajmërimit njerëzve. Zoti po vjen shpejt, dhe shumë nuk janë gati, nuk janë gati. Territori është përreth jush, ku duhet të bëni një punë të thellë për të tërhequr njerëzit tek e vërteta. Disa mund të marrin librat tanë dhe të mësojnë çfarë do të thotë të shkosh në rrugë dhe pengesa me mesazhin e së vërtetës. Përdorni dhuntinë që keni; transmetoni dritën që keni marrë.”—*Sermons and Talks*, vol. 2, p. 311.

*E Martë, 16 Mars*

### **3. NJË MONUMENT PËR TË MOHUAR FJALËN E PERËNDISË**

**a. Si e demonstroi kulla e Babelit që ndërtuesit e saj nuk kishin besim në Fjalën e Perëndisë, dhe si përsëritet historia në këto ditë të fundit?** Zanafilla 9:8–17; 2 Pjetrit 3:3–7, 10–13.

“Banuesit në fushat e Shinarit nuk i besuan besëlidhjes së Perëndisë që nuk do të sillte më përmbytje mbi tokë. Shumë prej tyre e mohuna ekzistencën e Perëndisë dhe ia atribuan përmbytjen shkaqeve natyrore. Të tjerët besuan në një Qënie Supreme që shkatërroi botën e lashtë dhe zemrat e tyre, si ajo e Kainit, u rebeluan kundër Tij. Duke ngritur kullën ata donin të siguroheshin në rast se kishte një tjetër përmbytje. Duke e ngritur ndërtimin më lart sesa ujërat e përmbytjes, menduan ta vendosnin veten përtej mundësisë së rrezikut. Dhe ndërsa do të kishin mundësinë të arrinin retë, shpresonin të kapërcenin pasojat e përmbytjes. E gjithë sipërmarrja ishte planifikuar tërriste edhe më tej krenarinë e projektuesve dhe t’u kthente vëmendjen brezave të ardhshëm nga Perëndia tek idhujtaria.”—*Patriarchs and Prophets*, p. 119.

**b. Çfarë urdhërese të Perëndisë shmanget shpesh nga “ndërtuesit modent të Babelit”?** Matthew 5:14–16; Mark 16:15.

“Shkëlqimi i jashtëm, luksi dhe ceremonia, që vetëm tallen me nevojat e shpirtit të sëmure nga mëkati, janë shenjatë një prishje të brendshme. Feja e Krishtit nuk ka nevojë për tërheqje të tilla. Në dritën zhbiruese nga kryqi, krishtërimi paraqitet kaq i pastër dhe i këndshëm saqë asnjë zbukurim i jashtëm nuk mund ta përmirësojë vlerën e tij. Është bukuria e shenjtërisë, një shpirt i butë dhe i qetë që ka vlerë para Perëndisë. Shkëlqyeshmria e stilit nuk është domosdoshmërisht shenjë e një mendimi të pastër dhe të gëzuar.”—*The Great Controversy*, pp. 566, 567.

“Vepra duhet të shkojë përpara në shumë drejtime. Territore të reja duhet të shtohen. Por asnjë “qendër Jeruzalem” nuk duhet të krijohet. Nëse krjohen qendra të tilla, do të ketë shpërndarje njerëzish prej tyre, nga Zoti i qiellit.

“Vepra e Perëndisë duhet të shkojë përpara pa ndonjë meritë të jashtme. Duke ngritur institucione, kurrë nuk do të krahasohemi me insitucionet e botës në masë apo shkëlqim. Nuk duhet të hyjmë kurrë në aleancë me ata që nuk e duan Perëndinë dhe nuk e kanë frikë Atë.”—*The Review and Herald*, July 16, 1914.

***E Mërkurë, 17 Mars***

#### **4. KONFUZIONI**

**a. Cili është rezultati i sigurt i të mosbesuarit në Fjalën e Perëndisë siç tregohet në fjalën “Babel” dhe në pasojat e kësaj kulle? Zanafilla 11:9**

“Ëngjëjt u dërguan për të shkatërruar qëllimin e ndërtuesve. Kulla ishte arritur një lartësi të madhe, dhe ishte e pamundur për punëtorët në majë të komunikonin direkt me ata në tokë... . Gjuha u ngatërrua, që materiali sillej duke mos qenë i nevojshmi, dhe udhëzimet e dhëna zbatoheshin ndryshe nga ato që ishin dhënë. Si rezultat u shfaq konfuzioni dhe dëshpërimi. E gjithë puna ndaloi... . Aleanca e tyre shkoi në grindje dhe gjakderdhje. Vetëtimat nga qielli, si shenjë e pakënaqësisë së Perëndisë, thyen pjesën e sipërme të kullës duke e shembur përtokë. Njerëzit ndjenë që kishte një Perëndi që mbretëron në qiej.”- *Patriarchs and Prophets*, pp. 119, 120.

**b. Pse Perëndia i referohet shpesh diturisë njerëzore si “konfuzion”? 1 Korintasve 1:25–29. Si duhet të konsiderohen të gjitha veprat e këqija? Jakobi 3:13–16.**

“Ekzistojnë ndërtues kullash në kohën tonë. Jobsimtarët ndërtojnë teoritë e tyre nga konkluzionet e supozuara të shkencës, dhe mohojnë Fjalën e zbuluar të Perëndisë. Ata mendojnë të ndëshkojnë qeverisjen morale të Perëndisë. Ata përbuzin ligjin e Tij dhe mburren në vetëpërmbushjen e arsyes njerëzore. Atëherë, “*për shkak se vendimi kundër një veprimi të keq nuk zbatohet menjëherë, zemrat e bijve të njerëzve janë plot dëshira për të bërë të keqen*”. (Predikuesi 8:11).

“Në botën e ashtuquajtur të krishterë shumë kthejnë krahët nga mësimet e qarta të Biblës dhe ndërtojnë një kredo nga spekulimet njerëzore dhe përrallat tërheqëse, dhe të drejtojnë tek kulla e tyre si një rrugë drejt qiellit. Njerëzit mahnitën nga buzët e njerëzve oratorë të cilët mësojnë se i paudhi nuk do të vdesë dhe që shpëtimi është si sigurt pa bindjen ndaj ligjit të Perëndisë. Nëse të ashtuquajtur ndjekës të Krishtit do të pranoin standartin e Perëndisë, do të ishin të bashkuar, por përsa kohë që dituria njerëzore lartësohet mbi Fjalën e Tij të Shenjtë, do të ketë ndasi dhe mosmarrëveshje. Konfuzioni i tanishëm i konflikteve mes kredove dhe sekteve përputhet drejt me termin “*Babiloni*”, që profecia (Zbulesa 14:8; 18:2) i referohet kishave që duan botën në kohët e fundit.”- *Ibid.*, pp. 123, 124.

## ***E Enjte, 18 Mars***

### **5. DILNI NGA KONFUZIONI**

**a. Meqë njerëzit ngrihen jo më lart sesa qëllimi i tyre më i lartë, çfarë ndodh kur një person adhuron atë që ka krijuar vetë me duart e tij?** Psalmi 115:4–8; Isaia 41:28, 29.

“Njerëzit nuk do të ngrihen më lart sesa konceptimet e tyre për të vërtetën, pastërtinë dhe shenjtërinë. Nëse mendja nuk ngrihet kurrë mbi nivelin e njerëzimit, nëse nuk ngrihet nga besimi për të parë diturinë dhe dashurinë e pakufijshme, njeriu gjithmonë do të zhytet thellë e më thellë. Adhuresit e zotave të rremë i vishnin ata me cilësitë dhe pasionet njerëzore, dhe si rrjedhojë standarti i karakterit të tyre degradohej në ngjashmërinë e njerëzimit mëkatar. Dhe si pasojë ndoteshin.”—*Patriarchs and Prophets*, p. 91.

**b. Si paralajmërohen njerëzit e Perëndisë të mos kenë pjesë me Babiloninë?** 1 Korintasve 14:33; 2 Korintasve 6:17, 18; Zbulesa 14:8; 18:4.

“Ndjekësve të Krishtit u kërkohet të dalin nga bota, të ndahen dhe të mos prekin asgjë të papastër, dhe kështu të kenë premtimin e të qenit bij dhe bija të të Shumë të Lartit, anëtarë të familjes mbretërore. Por nëse kushtet nuk përmbushen nga ana e tyre, ata nuk mundën të realizojnë përmbushjen e këtij premtimi. Një rrëfim i të qenit i krishterë nuk është asgjë para Perëndisë. Bindja e vërtetë, e përlulur dhe e vullnetshme ndaj kërkesave të Tij tregon fëmijët e Tij, pjesëmarrës të Hirit të Tij dhe të shpëtimit të Tij të madh.”—*Testimonies*, vol. 2, p. 441.

## ***E Premte, 19 Mars***

### **PYETJE PËR ANALIZË PERSONALE**

- a. Pse ndarja është gjithmonë zgjedhja e njerëzve besnikë të Perëndisë?
- b. Çfarë bëhet e njohur për Nimrodin?
- c. Çfarë paralajmërimesh duhet të konsiderojmë nga ndërtuesit e kullës së Babelit?
- d. Cili është kuptimi i “Babilonisë,” dhe si ndërthuret me diturinë njerëzore?
- e. Çfarë marrëdhënie do të ketë populli i vërtetë i Perëndisë me Babiloninë dhe me gjithçka që ajo prezanton?

**Mësimi 13, E Shtunë, 27 Mars, 2010**

## **Rënia e Babilonisë**

“O shkelës dhe shkelëse të kurorës, a nuk e dini se miqësia me botën është armiqësi me Perëndinë? Ai, pra, që don të jetë mik i botës bëhet armik i Perëndisë.” (Jakobi 4:4).

“Ata që kanë të vërtetën siç është në Jezus të mos ta aprovojnë, as me heshtjen e tyre, veprën e misterit të paudhësisë. Të mos ndalojnë alarmin.”—*Selected Messages*, bk. 2, p. 369.

**Lexim i sugjeruar:** *The Great Controversy*, pp. 289–298.

### **E Djelë, 21 Mars**

#### **1. NJË VIRGJËRESHË E PASTËR**

**a. Si e prezanton Krishti marrëdhënien me kishën në tokë?** Jeremia 31:31, 32; 3:14; Efesianëve 5:23–27.

“Si në Besëlidhjen e Vjetër dhe në atë Re, lidhja martesore përfaqëson lidhjen e shenjtë dhe të dashur midis Krishtit dhe popullit të Tij. Në mendjen e Jezusit gëzimi i dasmave i kujtonte atë ditë kur do të sjellë në shtëpinë e Atit nusen e Tij, dhe të çliruarit me Çliruesin do të ulen bashkë për darkën martesore të Qengjit.” - *The Desire of Ages*, p. 151.

**b. Si simbolizohet një kishë e pastër?** 2 Korintasve 11:2; Zbulesa 12:1.

“Një detyrë, shpesh e nënvlerësuar – e para që rinia duhet të ndërgjegjësohet ndaj thënieve të Krishtit dhe që u duhet shpjeguar me fjalë të thjeshta – është detyra e marrëdhënies në kishë.

“Shumë e afërt dhe e shenjtë është lidhja midis Krishtit dhe trupi të Krishti. Lidhja me Krishtin atëherë përfshin marrëdhënien me kishën e Tij.”—*Education*, p. 268.

## ***E Hënë, 22 Mars***

### **2. LIDHJA E KISHËS ME SHTETIN**

**a. Si simbolizohet një kishë e papastër, dhe si paraqitet duke u ulur mbi bishën?** Zbulesa 17:1–6.

“Kur kisha e hershme u korruptua me largimi nga thjeshtësia e ungjillit dhe me pranimin e riteve dhe zakoneve pagane, humbi Frymën dhe fuqinë e Perëndisë dhe që të kontrollonte ndërgjegjet e njerëzve, kërkoi mbështetjen e pushtetit sekular. Rezultatit ishte regjimi papal, një kishë që kontrollonte fuqinë e shtetit duke e përdorur për qëllimet e saj, sidomos për ndëshkimin e “herezisë”...

“Kishat protestante që kanë ndjekur hapat e Romës duke formuar një aleancë me fuqitë botërore kanë demonstruar një dëshirë të njëjtë për të ndaluar lirinë e ndërgjegjes...”

“Ishte apopstazia që e çoi kishën e hershme të kërkonte ndihmën civile, dhe kjo përgatiti rrugën për zhvillimin e regjimit papal – bishës. Pali tha: “Do të ketë një rënie... dhe një shfaqje e njeriut të humbjes” (2 Thesalonikasve 2:3) Kështu apostazia në kishë do të përgatisë rrugën për imazhin e bishës.”—*The Great Controversy*, pp. 443, 444.

**b. Çfarë e bën këtë grua dhe bijat e saj të papastra?** Zbulesa 17:1, 2; Ezekieli 16:44.

“Lidhja e kishës me shtetin, duke dhënë pamjen edhe pse në masë të vogël sikur po e afron botën tek kisha, në realitet sjell kishën më afër botës.”—*Ibid.*, p. 297.

“Bota nuk duhet prezantuar tek kisha, dhe të martohet me kishën, duke formuar një lidhje uniteti. Kështu kisha do të korruptohet, dhe siç citohet tek Zbulesa do të bëhet ‘një strofull e çdo zogu të papastër...’ (Zbulesa 18:2)

“Nëpërmjet shoqërimit me botës institucionet tona do të bëhen të paqëndrueshme, sepse elementet e botës, duke qenë në pozita mirëbesimi, shikohen si mësues për t’u respektuar në edukimin, drejtimin, dhe pozitën zyrtare të tyre. Ata do të sigurohen që të veprojnë në fuqinë e frymës së errësirës, kështu që kufiri të mos dallohet midis atij që i shërben Perëndisë dhe atij që nuk i shërben.”—*Testimonies to Ministers*, pp. 265, 266.

**E Martë, 23 Mars**

### **3. SEKULARITETI DHE DOKTRINA E RREMË**

**a. Çfarë është vera e kurvërimit që kisha e korruptuar përdor për mbretërit e kësaj toke?** Jakobi 4:4; 2 Pjetrit 2:1, 2.

“Është detyra jonë individuale të ecim përlësisht me Perëndinë. Nuk duhet të kërkojmë ndonjë mesazh të ri të çuditshëm. Nuk duhet të mendojmë që të zgjedhurit e Perëndisë që përpiqen të ecin në dritë përbëjnë Babiloninë. Kisha denominacionale të korruptuara janë Babilonia. Babilonia ka inkurajuar doktrina të helmuara, verën e gabimit. Kjo verë gabimi përbëhet nga doktrina të rreme, të tilla si pavdekësia natyrale e shpirtit, vuajtja e përjetshme e të këqinjve, mohimi i ekzistencës së Krishtit para të lindte në Betlehem, dhe duke përkrahur dhe lartësuar ditën e parë të javës mbi ditën e shenjtëruar të Perëndisë. Këto dhe qindra gabime të tjera janë prezantuar në botë nga kisha të ndryshme, prandaj Shkrimet përmbushen duke thënë, “Sepse nga vera e mërisë së kurvërimit të saj kanë pirë të gjitha kombet” (Zbulesa 18:3). Është një zemërim që krijohet nga doktrina të rreme, dhe kur mbretërit dhe presidentët pinë këtë verë të mërisë së kurvërimit të sah, ata ndizen me zemërim kundër atyre që nuk duan të jenë në harmoni me herezitë satanike të rreme të cilët lartësojnë të shtunën e rreme, dhe i drejtojnë njerëzit të shkelin me këmbë kujtimin e Perëndisë.” -*Testimonies to Ministers*, pp. 61, 62.

**b. Si do të magjepsë kombet Babilonia (krishtërimi i rremë)?** 2 Timoteut 4:3, 4; Zbulesa 18:3, 23.

“Të ulësh standartin për të arritur popullaritetin dhe të rritësh numrin, dhe pastaj ta bësh atë rritje shkak për gëzim, tregon verbëri të madhe. Nëse numrat do të ishin provë sukcesi, Satani mund të shpallte sovranitetin, sepse në këtë botë ndjekësit e tij janë shumica.”- *Testimonies*, vol. 6, p. 143.

“Çdo i pakthyer në besim është i joshur, i magjepsur, nga pushteti tërheqës i mashtruesit të madh. Pali u shkroi Galatasve, “*Kush ju ka yshtur, që nuk i bindeni së vërtetës?*” (Galatasve 3:1) Çdo njeri që ushqen një gabim të njohur, në besim dhe në praktikë, është nën pushtetin e magjisë, dhe praktikon magji mbi të tjerët. Satani e punëson për të keqduhëzuar të tjerë.”—*The Signs of the Times*, May 18, 1882.

## ***E Mërkurë, 24 Mars***

### **4. SHKATËRRIMTARË TË PRANUAR**

**a. Çfarë të keqe të tmerrshme bën kisha e rreme mëmë (kaq të keqe sa edhe profeti mrekullohet)? Nga e kishte origjinën mëma e prostitutave?** Zbulesa 17:15, 6; 18:24; Danieli 7:25; 2 Thesalonikasve 2:1–12; 1 Gjonit 4:3.

“42 muajt janë njësoj si “për një farë kohe, disa kohë dhe gjysmën e një kohe” (Danieli 7:25), 3 vjet e gjysmë, ose 1260 ditët e Danielit 7 – koha gjatë së cilës regjimi papal duhej të shtypte njerëzit e Perëndisë. Kjo periudhë, ashtu siç përmendet në kapitujt e mëparshëm, filluan me supremacinë papale, në vitin 538 pas Krishtit, dhe përfundon më 1798. Në kohën kur papa u kap rob nga ushtria franceze, pushteti papal mori një plagë vdekjeprurëse, dhe parashikimi u përmbush, “Ai që çon në robëri, në robëri do të shkojë.” (Zbulesa 13:10)—*The Great Controversy*, p. 439.

**b. Çfarë kontrasti është i dukshëm midis popullit të vërtetë të Perëndisë dhe Babilonisë (krishtërimin të korrupsuar)?** Luka 12:32; 2 Timoteut 3:12.

“Edukimi dhe trajnimi i anëtarëve të kishave tona të bëhen në mënyrë të tillë që fëmijët dhe të rinjtë të kuptojnë që nuk bëhen lëshime për këtë fuqi, njeriun e rënies. Mësojini që megjithëse koha do të vijë kur të bëjmë luftën për shkak të pronës dhe lirisë, gjithsesi konflikti do përballur, në frymën e zemërbutësisë së Krishtit; e vërteta duhet mbajtur dhe mbrojtur ashtu siç është në Jezus. Pasuria, nderi, familja – çdo gjë tjetër – duhet të jenë në plan të dytë. Besimi nuk duhet fshehur apo mohuar, por të pranohet plotësisht dhe të shpallet me guxim.”—*Selected Messages*, bk. 2, pp. 369, 370.

“Apostulli Pal deklaroi se “të gjithë ata që duan të jetojnë me perëndishmëri në Krishtin Jezus do të përndiqen.” (2 Timoteut 3:12). Pse atëherë, persekutimi duket të mpaket në masë të madhe? E vetmja arsye është që kisha është konformuar sipas standartit të botës dhe si rrjedhojë nuk pret ndonjë kundërshtim. Feja e sotme nuk ka karakterin e shenjtë dhe të pastër që karakterizonte besimin e krishterë në ditët e Krishtit dhe apostujve të Tij. Është vetëm për shkak të frymës së kompromisit me mëkatin, për shkak se të vërtetet e mëdha të Fjalës së Perëndisë shikohen me indiferentizëm, për shkak se ka kaq pak perëndishmëri të gjallë në kishë, që krishtërimi është kaq i admiruar në botë. Le të ketë një ringjallje besimi dhe fuqie si e kishës së hershme, dhe fryma e persekutimit do të rizgohet, dhe zjarret e persekutimit do të rindizen.”—*The Great Controversy*, p. 48.

## ***E Enjte, 25 Mars***

### **5. RËNIA E BABILONISË PAS MESAZHIT TË PARË**

a. Ndërsa mesazhi i parë i ëngjëllit filloi të shpallet pak para gjykimit analizues të 1844-s, çfarë rënie të Babilonisë duhet t'i referohet mesazhi i dytë i ëngjëllit? Zbulesa 17:5; 14:8.

“Për Babiloninë thuhet të ishte ‘*mëma e prostitutave*’. Vajzat e saj duhet të jenë simbolikisht kishat që miratojnë doktrinën dhe traditat e saj, dhe që ndjekin shembullin e saj duke sakrifikuar të vërtetën dhe aprovimin e Perëndisë, që të krijojnë një aleancë të paligjshme me botën. Mesazhi i Zbulesës 14, që shpall rënien e Babilonisë duhet t'i zbatohet trupave fetarë që dikur ishin të pastër dhe u bënë të korruptuar. Meqë ky mesazh ndiqet nga një paralajmërim për gjykim, duhet të jepet në ditët e fundit; prandaj nuk mund t'i referohet kishës së Romës, sepse ajo kishë ka qenë në gjendje të rënë për shumë shekuj... . Në cilët trupa fetarë gjendet pjesa më e madhe e ndjekësve të Krishtit? Pa dyshim, në kisha të ndryshme që rrëfejnë besimin protestant.”—*The Great Controversy* (1888), pp. 382, 383.

**b. Çfarë paralajmërimi duhet të kemi parasysh kohët e fundit? 2**  
Thesalonikasve 2:10–12.

“Njerëzit e Perëndisë nuk do të gjejnë siguri në veprat e mrekullive, sepse Satani do t'i imitojë. Njerëzit e sprovuar të Perëndisë do të gjejnë forcë tek shenjat për të cilat flitet tek Eksodi 31:12–18. Atyre duhet të mbahen fort tek fjala e gjallë: ‘*Është shkruar.*’”—*Testimonies*, vol. 9, p. 16.

## ***E Premte, 26 Mars***

### **PYETJE PËR ANALIZË PERSONALE**

- a. Çfarë simbolesh tregojnë kishën e pastër të Perëndisë në këtë botë të ligë?
- b. Çfarë veprimesh në një kishë e bëjnë atë prostitutë?
- c. Çfarë ndikimi ka një kompromis i doktrinave të pastra për hir të popullaritetit në kishë dhe në përgjithësi në botë?
- d. Cili është dallimi midis Babilonisë dhe popullit të Perëndisë?
- e. Meqë Roma ka qenë e rënë para se të shpallej mesazhi i parë i ëngjëllit, çfarë rënie e Babilonisë tregohet në mesazhin e dytë të ëngjëllit?